



SLUŽBENI GLASNIK OPĆINE KALESIJA

Godina: LXI

Utorak 09.06.2026. godine
K A L E S I J A

Broj: 5

OPĆINSKO VIJEĆE

78

Na osnovu člana 2. Zakona o osnovama sigurnosti saobraćaja na putevima u Bosni i Hercegovini („Službeni glasnik BiH“, broj : 6/06, 75/06, 44/07, 84/09 i 48/10-dr zakon, 18/13, 8/17, 89/17, 9/18, 46/23 i 88/23), člana 8. i 15. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09) i člana 42. Statuta Općine Kalesija („Službeni glasnik Općine Kalesija, broj 10/07, 7/08, 10/11, 3/12 i 6/13), Općinsko vijeće Kalesija na sjednici održanoj dana 25.05.2026. godine, donosi:

ODLUKU

o sigurnosti i organizaciji saobraćaja na području općine Kalesija

I - OPĆE ODREDBE

Član 1.

Ovom Odlukom propisuju se uvjeti i pravila sigurnosti i organizacije saobraćaja na javnim saobraćajnim površinama u općini Kalesija (u daljem tekstu: Odluka), te mjere za njihovo provođenje.

Član 2.

Javnim saobraćajnim površinama u smislu ove Odluke smatraju se: lokalne i nerazvrstane ceste, ulice, trgovi, javni prijelazi, trotoari, biciklističke staze, mostovi, podvožnjaci, nadvožnjaci, tuneli, parkirališta, ostavilišta za bicikle i bicikle sa pomoćnim motorom, javne garaže, podhodnici, nadhodnici, stajališta i terminali javnog gradskog saobraćaja i slične površine.

Pod užim gradskim područjem podrazumijevaju se slijedeće ulice: Ulica Patriotske lige, Ulica Žrtava genocida u Srebrenici, Ulica Mehmeda Husića, Ulica Dževada Džafića, Ulica 25. novembra ZAVNOBiH-a, Ulica 23. maja, Ulica žena boraca Armije BiH, Ulica Kalesijskog odreda, Ulica Kalesijskih brigada, Ulica Senada Požegića, Ulica šehida, Ulica Sarajevska, Ulica zlatnih ljiljana, Ulica Muhamedage Hadžiefendića, Ulica Senada Hodžića Mehdina, Ulica Kapetana Hajrudina Mešića-Hajre, Ulica Halisijska, Ulica Braće Bukvarević, Ulica 12. marta, Ulica Huse Huremovića, Ulica Halila Jahića Pancira, Ulica Rašida Durakovića, Ulica Mirsada Loznice, Ulica Rašida

Durakovića, Požarni put do objekta MŠC Kalesija, Slijepa ulica pored UR „LIPA“ između Tržnog centra i stadiona FK „Bosna“.

Član 3.

Saobraćaj na javnim saobraćajnim površinama dopušten je svakom pod jednakim uvjetima u granicama propisanim zakonom i ovom Odlukom.

Član 4.

Svi subjekti koji određuju i provode saobraćajnu politiku dužni su stalno osiguravati uvjete za sigurno i nesmetano odvijanje saobraćaja.

II – ORGANIZACIJA I REGULACIJA SAOBRAĆAJA

Član 5.

Na osnovu mjera iz ove Odluke utvrđuje se režim odvijanja saobraćaja na užem gradskom području definiran saobraćajnim projektom ili drugim aktom.

Saobraćaj na javnim cestama van užeg gradskog područja definira se saobraćajnim projektima tih cesta, ovom Odlukom ili u potrebi hitnih okolnosti Rješenjem nadležne općinske službe .

Poslove praćenja organizacije i regulacije saobraćaja vrši nadležna služba za saobraćaj općine Kalesija (u daljem tekstu nadležna općinska služba).

Izmjene i dopune saobraćajnog projekta osigurava- obezbjeđuje Općinski načelnik, na prijedlog nadležne općinske službe.

Član 6.

Tehničkom regulacijom saobraćaja u smislu ove Odluke smatra se postavljanje, uklanjanje, zamjena i održavanje saobraćajne signalizacije (horizontalne, vertikalne i svjetlosne) i opreme na javnoj cesti ili ulici.

Tehničku regulaciju horizontalne, vertikalne i svjetlosne saobraćajne signalizacije vrši nadležna općinska služba koje upravljaju putevima na osnovu saobraćajnog projekta.

Saobraćajni znakovi i oprema na putu se postavljaju i održavaju na osnovu projektnog rješenja ili rješenja nadležne općinske službe.

Član 7.

Nadležna općinska služba može privremeno zabraniti ili ograničiti saobraćaj na lokalnoj cesti ili ulici koja je u nadležnosti općine ako se izvode radovi na rekonstrukciji ili popravci javne ceste, ulice, objekata i instalacija uz cestu ili ulicu i ako se isti ne mogu izvesti bez obustave saobraćaja.

Nadležna služba općine će aktom kojim odobrava obustavu saobraćaja, odrediti vrijeme u kojem se saobraćaj obustavlja u zavisnosti od opterećenja saobraćaja, te potrebe za izvođenje planiranih radova. Za radove redovnog održavanja nije potrebno izdavati saglasnost nadležne općinske službe o posebnom režimu odvijanja saobraćaja.

Nadležna služba općine može privremeno zabraniti ili ograničiti saobraćaj i u slučajevima odvijanja kulturnih, zabavnih, sportskih, tehničkih smotri, sajмова poljoprivrednih proizvoda i drugih društveno značajnih manifestacija od značaja za promociju općine Kalesija.

O namjerama privremene zabrane nadležna općinska služba obavještava nadležnu policijsku upravu koja odgovarajućom naredbom određuje zabranu ili ograničenje saobraćaja.

Za osiguranje zabrane ili ograničenja odgovoran je subjekt koji je tražio zabranu ili ograničenje saobraćaja (organizator manifestacije) koristeći se odgovarajućim znacima, fizičkim preprekama kao i dežurnim redarima sa odgovarajućim uniformama, uočljivim prslucima i markirnim trakama na ruci.

Član 8.

Nadležna općinska služba je dužna u okviru svojih nadležnosti voditi računa:

1. o tehničkoj regulaciji saobraćaja na ulicama užeg gradskog područja,
2. o ispravnosti saobraćajne signalizacije i opreme na ulicama užeg gradskog područja i
3. o stanju i održavanju saobraćajnih površina užeg gradskog područja. Nadležna služba je dužna godišnje izvještavati Općinsko vijeće o stanju saobraćajnih objekata na ulicama užeg gradskog područja.

Član 9.

Nadležna Policijska stanica u okviru zakonskih ovlaštenja prati stanje sigurnosti saobraćaja na području općine, preuzima mjere sigurnog odvijanja saobraćaja, sigurnosti regulacije saobraćaja i druge mjere iz njene nadležnosti.

Nadležna Policijska stanica dužna je godišnje izvještavati Općinskog načelnika i Općinsko vijeće o stanju sigurnosti saobraćaja na području općine.

Član 10.

Osim propisanih saobraćajnih znakova na cesti je dozvoljeno postavljanje i drugih znakova, informacija, reklamnih panoa i natpisa uz odgovarajuću naknadu

propisanu odlukom o komunalnim taksama, koju provodi nadležna služba za komunalne poslove.

Postavljanje znakova, informacija, reklamnih panoa i natpisa, provodeći propisan postupak, odobrava Služba nadležna za prostorno planiranje.

Član 11.

Prilikom zauzimanja javnih saobraćajnih površina moraju biti zadovoljeni sljedeći saobraćajni uvjeti i ograničenja:

1. širina slobodnog prolaza za pješake mora iznositi najmanje 1,6 metara ili i manju širinu definiranu projektom
2. ne smije se ugrožavati ugao preglednosti na raskršću, protočnost ili sigurnost drumskog ili pješačkog saobraćaja.

III – KRETANJE PO JAVNIM SAOBRAĆAJNIM POVRŠINAMA**Član 12.**

Ako pješaci po ulicama i putevima užeg gradskog područja nose predmete duže od 3 (tri) metra, ti predmeti moraju biti na krajevima vidno obilježeni, uočljivom maramom ili slično.

Član 13.

Dječija kolica u kojima se prevoze djeca kao i lica koja voze dječija kolica, te invalidna lica koja se kreću u invalidskim kolicima kao i lica koja voze invalidna lica u kolicima moraju se kretati trotoarima ili po drugim površinama namjenjenim kretanju pješaka.

Član 14.

Učesnici u saobraćaju prema invalidima, slijepim i nemoćnim licima, te djeci, kao i licima koja prate ili prevoze invalide i djecu se moraju kretati prilagođenom brzinom i trebaju postupati sa najvećom pažnjom.

1.1. Brzina kretanja**Član 15.**

Na užem gradskom području i drugim naseljenim mjestima općine vozila se ne smiju kretati većom brzinom od 50 km/h, odnosno brzinom većom od dozvoljene postavljenim saobraćajnim znakom za cijelo naselje ili njegov dio.

Član 16.

Početak i završetak naseljenog mjesta, kao i ograničenja brzina kretanja vozila moraju se obilježiti odgovarajućim saobraćajnim znakom.

Član 17.

Prvenstvo prolaza vozila određuje se u načelu u ulicama koje predstavljaju osnovu saobraćajne mreže.

Ulice koje se obilježavaju kao ceste s prvenstvom prolaza u odnosu na bočne ulice su:

- Ulica Patriotske lige
- Ulica Senada i Sakiba Tubića,
- Ulica Dževada Džafića,
- Ulica žrtava Genocida u Srebrenici,
- Halisijska ulica,
- Ulica Kapetana Hajrudina Mešića-Hajre,
- Ulica Muhamedage Hadžiefendića i
- Ulica Senada Požegića.

Bočne ulice u kontaktu sa ulicama s prvenstvom prolaza moraju biti opremljene znakom obaveznog zaustavljanja („stop“) ili znakom koji ukazuje da se vozač uključuje u ulicu s prvenstvom prolaza, u svemu prema važećim pravilnicima.

U slučajevima kada ukrštanje ulica nije opremljeno znacima koji ukazuju na prvenstvo prolaza ili znakom obaveznog zaustavljanja („stop“), vozači moraju primjenjivati i poštovati prvenstvo prolaza vozila koja mu dolaze sa desne strane.

Član 18.

Ulice u kojima se saobraćaj odvija u jednom smjeru su: Ulica Trg šehida između objekta MUP-a i gradske džamije lijevo između Lovačkog doma i Zgrade Općinskog suda.

1.2. Ograničenja saobraćaja

Član 19.

U pješačkoj zoni koja je označena odgovarajućom saobraćajnom signalizacijom zabranjeno je kretanje vozila.

Član 20.

Zabranjen je saobraćaj teretnim motornim vozilima u sljedećim ulicama:

1. Ulica Patriotske lige - osim dostavnih vozila i
2. Ulica Oslobođilaca Kalesija - osim dostavnih vozila
3. Ulica žrtava Genocida u Srebrenici

Za kretanje dostavnih vozila u ulicama u kojima je zabranjen saobraćaj teretnim motornim vozilima iz stava 1. tačka 1, 2 i 3 ovog člana vlasnici dostavnih vozila moraju kod nadležne općinske službe pribaviti odobrenje za kretanje dostavnim teretnim vozilima u zonama zabrane na saobraćajnicama općine Kalesija.

Ovom odlukom utvrđuje se iznos naknade za dostavna vozila prema dopuštenoj nosivosti:

- do 500kg: 10KM mjesečno,
- od 500 kg-2t: 20KM mjesečno
- od 2t-5t: 30 KM mjesečno
- preko 5t: 50KM mjesečno.

Član 21.

Požarni put do objekta MŠC Kalesija se može koristiti za saobraćaj prilikom korištenja Parkinga za uposlenike MŠC Kalesija kao i za dostavna vozila. Na površini požarnog puta ne smije se vršiti zaustavljanje niti parkiranje vozila.

Član 22.

Zabranjeno je na svim saobraćajnim površinama ostavljati oštećena, dotrajala ili neregistrirana vozila.

Član 23.

Vuča neispravnih vozila propisana Zakonom na užem gradskom području, izuzev Ulicom Mehmeda Husica, Ulicom Dževada Džafića i Ulicom Senada i Sakiba Tubića, Ulicom Kalesijskog odreda, Ulicom Kalesijskih brigada, Ulicom Senada Hodžića Mehmedina te Halisijskom ulicom nije dozvoljena u vremenu od 06h do 08h i od 14h do 16h sati.

Član 24.

Policijska stanica odredit će pravac kretanja i mjesta na kojima se mogu zadržavati vozila koja vrše prevoz opasnih materija. Vozila koja prevoze opasne materije ne smiju se zadržavati na području općine suprotno stavu 1. ovog člana.

Član 25.

Na dijelu užeg gradskog područja nije dozvoljeno kretanje traktora i četverocikla, zaprežnim vozilima, kao i gonjenje stoke u krdu, stada ili pojedinačno.

Izuzetno od stava 1. može se dozvoliti kretanje traktora i četverocikla, vučenih fijakera i drugih tradicionalnih bosanskih vozila uz odobrenje nadležne općinske službe.

Član 26.

Ulicama u kojima je za sve ili pojedine vrste vozila zabranjen saobraćaj mogu se kretati:

1. vozila za hitnu pomoć, vatrogasna vozila, policijska vozila, vozila pod pratnjom, samo kad posebnim uređajima daju svjetlosne i zvučne znakove,
2. vozila inspeksijskih organa kada vrše inspeksijski pregled,
3. vozila invalida sa oštećenjem donjih ekstremiteta, ako im to vozilo služi kao pomagalo u kretanju,
4. vozila za prijevoz posmrtnih ostataka,
5. vozila komunalnih organizacije koja se angažuju za održavanje kanalizacije, vodovoda, električnih, telefonskih instalacija, instalacija daljinskog grijanja, održavanje čistoće u vremenu od 22h do 09h sati, vozila televizije i poštanska vozila, kada obavljaju radnje za koje su namjenjena,

6. vozila za pružanje tehničkih pomoći na putevima i
7. vozila za slučaj hitnih intervencija.
8. vozila ptt i brze pošte kada vrše preuzimanje i dostavljanje pošiljki
9. vozila za dostavu kada vrše snabdijevanje domaćinstava, trgovinskih i drugih organizacija u vremenu od 06 do 10 sati i od 16 do 20 sati , uz posjedovanje dokaza o isporuci robe ili vršenja usluga licu koje u navedenom prostoru posjeduje stambeni ili poslovni prostor (ugovor, narudžbenica i sl.)
10. vozila stanara i zaposlenika, uz dokaz o pravu korištenja poslovnog prostora, garaže, stana ili dokaz o radnom odnosu.

Vozila iz stava 1. tačka 1. do 6. ovog člana moraju biti obilježena nazivom firme, organa ili ustanove, a korisnici vozila iz 9. i 10. ovog članamoraju posjedovati valjane dokaze o vršenju isporuka roba i usluga (ugovor, narudžbenica i sl.), pravu korištenja poslovnih prostora, garaža ili stanova (Rješenje Općinskog suda Kalesija, kupoprodajniugovor, ugovor o zakupu i sl.) i istaknuti ih na vidno mjesto.

Član 27.

Kretanje autobusa na kantonalnim, federalnim, međuentitetskim i međunarodnim autobuskim linijama dozvoljeno je do i od autobuske stanice Kalesija u Ulici Patriotske lige lokacija RK Bingo i lokacija MŠC Kalesija kao i Ulicom žrtava genocida u Srebrenici sa polaskom ispred PO Bigsim d.o.o. Kalesija.

Član 28.

Autobusi koji saobraćaju na prigradskim općinskim, kantonalnim, federalnim, međuentitetskim i međunarodnim autobuskim linijama, kao i autobusi koji vrše vanlinijski prijevoz putnika i taksi prijevoznici, ne smiju stajati na stajalištima javnog gradskog prijevoza. Izuzetno, nadležna služba može odobriti da autobusi sa pojedinih prigradskih općinskih linija mogu stajati na pojedinim stajalištima javnog gradskog prijevoza i na drugim mjestima.

IV - ZAUSTAVLJANJE I PARKIRANJE VOZILA

Član 29.

Zaustavljanje i parkiranje motornih vozila na javnim cestama i ulicama u naseljenim mjestima može se vršiti samo na način određen propisima o sigurnosti saobraćaja na putevima i ovom Odlukom.

Član 30.

Na području užeg gradskog područja zabranjeno je parkiranje autobusa, teretnih vozila preko 2,5 tone najveće dozvoljene mase, kamp prikolica kao i teretnih

vozila fizičkih lica koja vrše javni prijevoz stvari i prijevoz za vlastite potrebe, osim na posebnim mjestima (parkiralištima) koje odredi nadležna služba.

Član 31.

Za parkiranje vozila na području užeg gradskog područja utvrđuju se javna parkirališta.

Javno parkiralište je označena javna površina namjenjena isključivo za parkiranje vozila, koju kao takvu odredi nadležna služba.

Član 32.

Opća parkirališta su mjesta na kojima se mogu parkirati putnička motorna vozila, kombi i teretna motorna vozila do 3,5 tone dozvoljene mase.

Posebna parkirališta su mjesta na kojima se mogu parkirati vozila određene kategorije, vrste i namjene.

Rezervisani prostor za parkiranje vozila je onaj prostor koji se rezerviše isključivo za parkiranje od strane pojedinih organa, preduzeća ili drugih pravnih i fizičkih lica.

Član 33.

Općinsko vijeće Kalesija odlukom povjerava Javnom preduzeću „Vodovod i kanalizacija Kalesija“ d.o.o. Kalesija (u daljem tekstu Javno preduzeće) na upravljanje i korištenje javnih površine na kojima se organizuje pružanje usluga parkiranja vozila.

Javna parkirališta mogu biti parkirališta uz naplatu i parkirališta bez naplate.

Član 34.

Nakon prijema javnih parkinga na upravljanje i korištenje Javno preduzeće u skladu sa zakonskim, općinskim i vlastitim aktima organizuje pružanje usluga parkiranja motornih vozila uz naplatu.

Član 35.

Javno preduzeće organizuje naplatu usluga parkiranja vozila, svakim danom osim nedjelje i praznika , u vremenu od 07 sati do 22 sata.

Član 36.

Organizacija naplate javnih parkinga vrši se u dvije zone i to:

1. Zona I -

obuhvata: Ulica Patriotske lige, na ulici otvoreni parking ; Ulica Žrtava genocida u Srebrenici, do skretanja za tržni centar Piemonte: Na ulici otvoreni parking; na Trgu Šehida: Van ulice otvoreni parking ; Ispred objekta Konoba Bosna otvoreni parking ; Zgrada MUP-a i Medžlisa otvoreni parking ; Parking Lovački dom – BKC ; Ispred zgrade supermarket, Ul. Oslobođilaca Kalesija ; Na ulici otvoreni parking ; Ulica Senada Požegića od Doma zdravlja Kalesija do kraja Ulice Senada Požegića ; Parking oko gradske pijace ; Parking kod zgrade stadiona

FK „Bosna“ Kalesija; Parking kod zgrade „Tehograd“

2. Zona II -

obuhvata: Ulica Žrtava genocida u Srebrenici, do skretanja za tržni centar Piemonte do kraja ulice: Na ulici otvoreni parking ; ispred hotela Košuta i zanatskog centra Na ulici otvoreni parking ; ispred objekta iza zgrade Supermarket, na ruševnim zgradama, otvoreni parking ; Ispred objekta Konoba Bosna na ruševnim zgradama, otvoreni parking ; Iza zgrade Općinskog suda na ulici otvoreni parking; Parking ispred zgrade „Bijeljinka“, ispred “Porezne ispostave Kalesija i ispred „NLB banke“ ; Parking ispred zgrade „Bijeljinka“ (do malog parka) ; Parking ispred zgrade „Tuzlanka“ ; Parking kod semafora, do zgrade „Socijalka“.

Član 37.

Cijene usluga parkiranja motornih vozila utvrđuju se prema zonama, pri čemu cijene predlaže Uprava javnog preduzeća, a na prijedlog općinskog načelnika usvaja Općinsko vijeće.

Član 38.

Javna parkirališta na kojima se naplaćuju usluge parkiranja moraju biti propisno obilježena i imaju na vidnom mjestu istaknuto obavještenje koje sadrži: zonu, vrijeme naplate i kategorije motornih vozila koja se mogu parkirati na tim parkiralištima.

Član 39.

Javno preduzeće dužno je na svakom javnom parkiralištu uz naplatu osigurati namijenjen parking prostor za parkiranje vozila za invalidna lica. Parking prostor iz stava 1. ovog člana namijenjen je za vozila koja posjeduju međunarodni znak “Znak za pristupačnost” samo uz prisutnost nosioca tog prava i kada je vidno istaknut.

Član 40.

Na javnom parkiralištu sa naplatom broj rezervisanih parking mjesta ne smije preći procenat od 60% od ukupnog broja parkirnih mjesta u toj ulici.

Član 41.

Javno preduzeće će obezbijediti odgovarajući broj parkinga namijenjenih za zakup i rezervaciju za stanare i privredne subjekte. Zakup parkinga sa rezervacijom može se izvršiti na period od godinu ili mjesec dana.

Član 42.

Parking mjesta sa rezervacijom obilježavaju se horizontalnom saobraćajnom signalizacijom uz naznaku slova „R“ (rezervisano) i odgovarajućeg serijskog broja.

Član 43.

Javno preduzeće pružanjem usluga parkiranja ne vrši čuvanje vozila i ne odgovara za bilo kakav oblik oštećenja koji može nastati na vozilima koja su parkirana na javnim parkinzima kao i za slučajeve otuđenja vozila.

Član 44.

Vozač ne smije da zaustavi ili parkira vozilo:

1. na raskrsnici i na razdaljini manjoj od pet metara od najbliže ivice poprečnog kolovoza,
2. na mjestu na kojem bi vozilo zaklanjalo postavljene saobraćajni znak ili uređaj za davanje svjetlosnih saobraćajnih znakova,
3. na dijelu kolovoza koji je kao stajalište za vozila javnog saobraćaja obilježeno saobraćajnim znakom i oznakama na kolovozu,
4. prolazima i ulazima škola, ustanova, preduzeća, stambenih zgrada i drugih objekata i iznad priključka na vodovodnu mrežu i ulaza u kanizacionu ili drugu mrežu komunalnih organizacija,
5. mjestu na kome bi parkirano vozilo onemogućilo pristup drugom vozilu radi parkiranja ili izlazak nekom već parkiranom vozilu,
6. trotoaru, odnosno na pješačkoj stazi, ako to nije izričito regulisano saobraćajnim znakom, a ako je parkiranje dozvoljeno, mora da se ostavi najmanje 1,6 m širine na površini za kretanje pješaka, s tim što ta površina ne može da bude uz ivicu kolovoza,
7. na kolovozu s dvije saobraćajne trake gdje se saobraćaj odvija u oba smijera,
8. na trgovima i drugim uređenim mjestima za kretanje pješaka,
9. na svim uređenim površinama, parkovima i sl,
10. na parking mjestima sa rezervacijom ukoliko prethodno nije izvršen zakup i
11. na mjestima u neposrednoj blizini kontejnera radi manevrisanja servisnog vozila za odvoz smeća.

V - PREMJEŠTANJE NEPROPISNO ZAUSTAVLJENIH I PARKIRANIH VOZILA

Član 45.

Premještanje nepropisno zaustavljenih ili parkiranih vozila vrši pravno ili fizičko lice koje je za to ovlašteno od strane Ministarstva unutrašnjih poslova Tuzlanskog kantona.

Premještanje vozila koja su parkirana na javnom parkiralištu za naplatu kao i na rezervisanim parking prostorima vrši Javno preduzeće.

Član 46.

Zaustavljena ili parkirana vozila suprotno oznakama na kolovozu ili saobraćajnim znakovima kojim su određeni način i uvjeti parkiranja, kao i vozila koja su bez odobrenja zaustavljena ili parkirana na parking mjestima sa rezervacijom te vozila koja onemogućavaju obavljanje hitnih interevencija uklonit će vlasnik odnosno korisnik vozila po naredbi ovlaštenog službenog lica policije ili Javnog preduzeća bez odlaganja.

Član 47.

Ukoliko vlasnik odnosno korisnik vozila iz člana 45. nije prisutan ili odbija da premjesti vozilo ovlašteno službeno lice Policijske stanice ili ovlašteno lice Javnog preduzeća odredit će premještanje vozila.

U slučajevima kada parkirano vozilo onemogućava sigurno ili nesmetano odvijanje saobraćaja ili kretanje pješaka, kao i zbog potreba održavanja reda i mira ili druge javne priredbe, ovlašteno službeno lice Policijske stanice će dati nalog za premještanje vozila.

U slučajevima kada nije moguće izvršiti premještanje vozila na pogonske točkove vozila se stavljaju uređaji za blokadu pogonskih točkova. Troškovi montaže i demontaže uređaja za blokadu pogonskih točkova padaju na teret vlasnika ili korisnika vozila.

Član 48.

Ovlašteno lice po čijem nalogu je izvršeno premještanje vozila, sačinjava poseban zapisnik.

U zapisnik iz prethodnog stava unose se podaci o vozilu (registarski broj, marka, tip i dr.), mjesto sa kojeg se vozilo premješta, razlog premještanja, vrijeme kada je počelo premještanje, te zapažanje o vizuelnom pregledu vozila (da li je vozilo zaključano, postoje li vidljiva oštećenja i koja su to i sl.).

Sastavni dio zapisnika su i fotografije sačinjene prije premještanja vozila.

Član 49.

Ako se vlasnik, odnosno korisnik vozila javi u času premještanja (prije podizanja vozila), vozaču će ovlašteno službeno lice izdati prekršajni nalog zbog počinjenog prekršaja uz obavezu korisnika vozila da sam premjesti vozilo bez odlaganja.

Član 50.

Trošak premještanja vozila pada na teret vlasnika ili korisnika vozila. Pored troškova premještanja vozila, vlasnik, odnosno korisnik vozila snosi troškove čuvanja na mjestu određenom za tu svrhu, od momenta premještanja do momenta preuzimanja vozila.

Čuvanje premještenih vozila do časa preuzimanja vozila od strane vlasnika odnosno korisnika vrši ovlašteno fizičko ili pravno lice.

Član 51.

Obavještenje o mjestu na koje je vozilo premješteno vlasnik, odnosno korisnik vozila može dobiti u dežurnoj službi ovlaštenog pravnog lica.

Član 52.

Prilikom preuzimanja vozila sastavlja se zapisnik o primopredaji koji potpisuje vlasnik, odnosno korisnik vozila i lice koje predaje vozilo. Zapisnik sadrži podatke o identitetu vozila i vlasnika, odnosno korisnika vozila i vremenu preuzimanja. Jedan primjerak zapisnika se predaje vlasniku odnosno korisniku vozila.

VI - OSPOSOBLJAVANJE KANDIDATA ZA VOZAČE**Član 53.**

Praktični dio osposobljavanja kandidata-polaznika obuke za vozače motornih vozila nije dozvoljeno na užem gradskom području u vremenu od 06h do 08h i od 14 i 30 h do 16 i 30h.

Poligon za početnu obuku za vježbanje „parkiranja“ i „ulaska u garažu“ i sl. je lociran u Halisijskoj ulici pored Željezničke stanica Kalesija na izgrađenom dijelu parcele novog premjera označene sa k.č. broj 1211/3 KO Kalesija grad. Početna obuka vožnje za kandidate-polaznike se obavlja prvenstveno na ulicama sa manjom frekvencijom saobraćaja a nastavak obuke na svim ulicama užeg gradskog područja kao i na ostalim saobraćajnicama na području općine, prema planu obuke u skladu sa propisima.

Ulice sa manjom frekvencijom saobraćaja su određene Odlukom o određivanju poligona za polaganje ispita iz upravljanja motornim vozilom i ulica za osposobljavanje vozača motornih vozila iz upravljanja motornim vozilom, („Službeni glasnik općine Kalesija“, broj 8/14) i to su :

- Ulica Kapetana Hajrudina Mešića-Hajre,
- Ulica Halisijska.

VII - DJEČIJE IGRE I DRUGE AKTIVNOSTI NA SAOBRAĆAJNICAMA**Član 54.**

Nadležna Policijska stanica, uz prethodno mišljenje nadležne općinske službe određuje u kojim ulicama i u koje vrijeme su dozvoljene dječije igre (klizanje, sankanje, igre sa loptom, vozanje na koturaljkama, romobilu, skateboardu, dječijem biciklu i sl.).

Član 55.

Ulice u kojima su dozvoljene dječije igre moraju biti obilježene saobraćajnim znakom i zabranjene su za saobraćaj vozila u vremenu u kojem su dozvoljene dječije igre.

Član 56.

Sportske, kulturne i druge priredbe i aktivnosti na javnoj cesti, ulici i pješačkoj zoni ne smiju se održavati bez odobrenja nadležne policijske stanice odnosno uz saglasnost nadležne općinske Službe.

VIII - POSEBNE MJERE SIGURNOSTI**Član 57.**

Zabranjeno je vršiti prodaju ili izlagati vozilo za prodaju na ulicama, trgovima, trotoarima ili drugim površinama koje su određene za saobraćaj vozila i kretanje pješaka. Prodaja i izlaganje vozila može se vršiti samo na mjestu određenom za tu svrhu.

Član 58.

Pranje i opravka vozila na ulicama, trotoarima i drugim saobraćajnim površinama je zabranjeno.

Izuzetno, na licu mjesta se mogu vršiti nužne opravke na vozilu nastale u toku vožnje, samo ako se kvar na drugi način ne može otkloniti, pod uvjetom da se time ne ometa uredno i sigurno odvijanje saobraćaja.

Član 59.

Ako se dio kolovoza ili trotoara ne može koristiti za saobraćaj vozila ili pješaka zbog privremene opasnosti (obrušavanja sa zgrade, skidanje snijega, radovi i sl.), izvođač radova dužan je da postavi propisane saobraćajne znakove na oba kraja tog prostora.

Član 60.

Horizontalne kolovozne oznake na saobraćajnicama, autobusnim i taxi stajalištima moraju se obnavljati najmanje dva puta godišnje, i to prvi put najkasnije do 20. aprila, a drugi put najkasnije do 15. septembra u toku godine.

Član 61.

Postavljanje, održavanje i kontrolu saobraćajnih znakova, oznaka na kolovozima i druge opreme za regulisanje saobraćaja vrši Služba za civilnu zaštitu, komunalne poslove i vatrogastvo Općine Kalesija i Policijska uprava Kalesija, svako iz svoje nadležnosti.

IX - KOMISIJA ZA SIGURNOST SAOBRAĆAJA**Član 62.**

Radi unapređenja saobraćaja u općini Kalesija, saobraćajno-preventivne aktivnosti i ostvarivanja koordinacije svih organa i organizacija koje obavljaju djelatnosti i bave se pitanjima saobraćaja, obrazuje se Komisija za sigurnost saobraćaja (u daljem tekstu Komisija).

Član 63.

Komisiju iz člana 61. imenuje Općinski načelnik iz reda stručnjaka iz oblasti značajnih za sigurnost saobraćaja (drumski saobraćaj, motori i drumska vozila, sigurnost i stručnjaci za bezbjednost), te državnih tijela i organizacija i ista broji pet članova.

Član 64.

Komisija iz člana 62. ima sljedeće obaveze:

1. da razmatra pitanja i daje prijedloge za rješavanje saobraćaja u općini Kalesija,
2. da radi na unapređenju saobraćajnog odgoja i osposobljavanja mladih za učestvovanje u saobraćaju,
3. da radi na unapređenju propagandnog i informativnog djelovanja prema učesnicima u saobraćaju,
4. da radi na poticanju razvoja službe pomoći i informisanja na cestama,

5. da radi na provođenju i koordinaciji preventivnih aktivnosti na cestama i vozilima,
6. da ostvaruje saradnju i koordinaciju sa tijelima i organizacijama koje djeluju u oblasti saobraćaja,
7. da razmatra i daje mišljenje na nacrt zakona i drugih propisa kojima se utvrđuju pitanja od značaja za unapređenje saobraćaja,
8. da daje mišljenje na prijedlog za tehničko uređenje saobraćajnica i postavljanje saobraćajne signalizacije,
9. da predlaže konkretne mjere za regulisanje saobraćaja u naseljenim mjestima,
10. da daje mišljenje za određivanje i uređivanje parkirališta,
11. da daje mišljenje u vezi sa rješavanjem problema javnog saobraćaja i prijevoza putnika i
12. da radi i ostvaruje saradnju sa udruženjima građana i klubovima koji promovišu tehnička stvaralaštva u oblasti motornih vozila i očuvanje baštine starodobnih vozila na području općine Kalesija (klubovi tehničke kulture, oldtimer klubovi, biciklistički klubovi, klubovi ljubitelja kamiona i sl,)
13. da obavlja i druge poslove koji su od interesa za sigurnost saobraćaja.

X – NADZOR**Član 65.**

Nadzor nad provođenjem ove Odluke vršit će nadležna inspekcija Općine Kalesija (putni inspektor i komunalni inspektor), Policijska stanica Kalesija i Kantonalna uprava za inspeksijske poslove u okviru svoje nadležnosti.

XI - KAZNENE ODREDBE**Član 66.**

Novčanom kaznom od 500 KM kaznit će se za prekršaj pravno lice ili lice koje obavlja samostalnu privrednu djelatnost, ako:

1. u cestovnom pojasu postavlja znakove, informacije, reklamne panoje, natpise suprotno odredbama člana 10. ove Odluke;
2. ako bez odobrenja suprotno članu 56. organizuju sportske, kulturne i druge priredbe i aktivnosti na javnoj cesti, ulici i pješačkoj zoni;
3. izvodi radove, a nije na odgovarajući način obilježio da se izvode radovi suprotno odredbama člana 59.

Za prekršaje iz prethodnog stava kaznit će se novčanom kaznom od 150 KM odgovorno lice u pravnom licu.

Član 67.

Novčanom kaznom od 100 KM kaznit će se za prekršaj:

1. vozač koji vozi vozilo u zoni koja je označena kao

- zabrana kretanja suprotno članu 19.;
- vozač teretnog motornog vozila koji vozi suprotno odredbama člana 20.;
 - vozač motornog vozila koji parkira ili zaustavi vozilo suprotno odredbama člana 21.;
 - vozač koji ostavi oštećeno, dotrajalo ili neregistrovano vozilo na saobraćajnim površinama (član 22.);
 - vozač koji prevozi opasne materije postupajući suprotno članu 24. ove Odluke;
 - vozač autobusa koji vozi suprotno odredbama člana 27.;
 - vozač vozila koji postupi suprotno odredbama člana 28.;
 - vozač koji odbije da ukloni vozilo na traženje ovlaštenog službenog lica (član 45. i član 46. stav 1.);
 - instruktor koji osposobljava kandidata za vozača suprotno članu 53.;
 - lice koje prodaje vozilo suprotno odredbama člana 57.

Član 68.

Novčanom kaznom od 50 KM kaznit će se na licu mjesta za prekršaj:

- vozač koji vuče neispravno vozilo suprotno članu 23.;
- vozač autobusa i taksi prevoznik koji zaustavi vozilo suprotno odredbama člana 28.;
- lice koje parkira vozilo na parkingu namjenjenom za vozila invalidnih lica suprotno članu 39.;
- vozač koji postupi suprotno odredbama člana 44.;
- vozač ili drugo lice koje na kolovozu i trotoaru vrši pranje, opravku vozila (član 58.).

Član 69.

Novčanom kaznom od 30 KM kaznit će se na licu mjesta za prekršaj:

- lice koje po ulicama i cestama užeg gradskog područja nosi predmete suprotno članu 12.;
- lice koje u dječijim kolicima prevozi djecu kao i lice koje se kreće u invalidskim kolicima ili vozi drugo lice u invalidskim kolicima suprotno članu 13.;
- lice koje upravlja zaprežnim vozilom ili lice koje goni stoku suprotno članu 25.

Član 70.

Za prekršaj propisa o saobraćaju koji učini maloljetnik kaznit će se novčanom kaznom propisanom za učinjeni prekršaj roditelj, staratelj maloljetnika ako je prekršaj učinjen kao posljedica propuštanja staranja o maloljetniku.

Član 71.

Novčane kazne naplaćene za prekršaje po ovoj Odluci su prihod Općine Kalesija, a koriste se za finansiranje preventivnih aktivnosti u cestovnom saobraćaju (informativno-propagandna aktivnost, unapređenje saobraćajno-tehničke kulture, edukacija mladih u saobraćaju i dr.).

XII - ZAVRŠNE ODREDBE

Član 72.

Ova Odluka stupa na snagu danom objavljivanja u „Službenom glasniku Općine Kalesija“.

Bosna i Hercegovina

Federacija Bosne i Hercegovine

TUZLANSKI KANTON

OPĆINA KALESIJA

OPĆINSKO VIJEĆE

Broj: 01-04-2-2457/26

Datum, 26.05.2026. godine

PREDSJEDAVAJUĆI

OPĆINSKOG VIJEĆA

Damir Džafić, dipl. ecc .s.r.

79

Na osnovu člana 35. Zakona o principima lokalne samouprave u Federaciji Bosne i Hercegovine („Sl. novine FBiH“, br. 49/06 i 51/09), člana 42. Statuta općine Kalesija – Prečišćeni tekst („Sl. glasnik općine Kalesija“, br. 10/07, 7/08, 10/11, 3/12 i 6/13) i Odluke o budžetu Općine Kalesija za 2026. godinu („Sl. glasnik općine Kalesija“, br. 12/25 i 3/26) Općinsko vijeće Kalesija na sjednici održanoj dana 25.05.2026. godine, donosi

ODLUKU

o raspodjeli sredstava za podsticaj u poljoprivrednoj proizvodnji za 2026. godinu

Član 1.

Ovom Odlukom uređuje se postupak za ostvarivanje prava, kriteriji za ostvarivanje prava, potrebna dokumentacija za ostvarivanje prava i način isplate. Odlukom o dodjeli poticaja za proljetnu sjetvu na području općine Kalesija za 2026. godinu, (u daljnjem tekstu: Odluka) definišu se uslovi i kriteriji koje trebaju ispuniti poljoprivredni proizvođači (pravna lica, obrtnici i fizička lica) da bi ostvarili pravo na dodjelu novčanih sredstava za proljetnu sjetvu na području općine Kalesija za 2026. godinu.

Član 2.

Poljoprivredni proizvođači koji ispunjavaju uslove definisane ovom Odlukom i za to obezbijede relevantne dokaze mogu ostvariti poticaj za proljetnu sjetvu na području općine Kalesija u 2026. godini.

Član 3.

Pravo na dodjelu poticaja po ovoj Odluci za proljetnu sjetvu mogu ostvariti poljoprivredni proizvođači koji:

- imaju prebivalište ili sjedište na području općine Kalesija,
- upisani su u registar poljoprivrednih proizvođača (RPG-RK),
- posjeduju poljoprivredno zemljište ili poljoprivredno zemljište koristi po osnovu ugovora o zakupu, odnosno zemljište koje koriste je u vlasništvu jednog od člana porodice,
- posjeduju fiskalne račune sa ovjerenom otpremnicom ako je u pitanju fizičko lice, odnosno za obrtnike i pravna lica ovjerenu i potpisanu fakturu koja u prilogu ima fiskalni račun, o izvršenoj kupovini repromaterijala.

Član 4.

Poticaj za proljetnu sjetvu definisan ovom Odlukom, dodijelit će se na osnovu Javnog poziva koji raspisuje Općinski načelnik i koji će biti objavljen na Oglasnoj tabli Općine Kalesija, web stranici Općine Kalesija, radio stanici i bar jednom elektronskom mediju.

Član 5.

Općinski načelnik će imenovati Komisiju koja će provesti Javni poziv iz člana 4. ove Odluke.

Javnim pozivom bit će definisane obaveze dostavljanja dokaza, u originalu ili ovjerenoj kopiji, (PBA3 obrazac, fiskalni račun sa ovjerenom otpremnicom, ovjerena i potpisana faktura koja u prilogu ima fiskalni račun, popunjena tabela proizvodnje, posjedovni list, ugovor o zakupu, kućna lista), koji su osnov za izračunavanje iznosa finansijskih sredstava koja će biti dodijeljena.

Član 6.

Novčana sredstva za poticaj proljetne sjetve utvrđena su u Budžetu Općine Kalesija za 2026. godinu na budžetskoj poziciji "Podrška razvoju poljoprivrede", ekonomski kod 614414, u okviru Službe za privredu, budžet i inspekcijske poslove u iznosu od 200.000,00 KM.

U slučaju da ukupan iznos traženih poticaja od strane poljoprivrednih proizvođača, po objavljenom Javnom pozivu, bude isti ili manji od iznosa finansijskih sredstava koja su u Budžetu Općine Kalesija planirana za ove namjene, svim podnosiocima prijava, koji su ispunili uslove za dodjelu poticaja, biće isplaćen cjelokupan iznos finansijskih sredstava koja mu pripadaju po osnovu definisanih kriterija.

Ukoliko je ukupan iznos traženih poticaja od strane poljoprivrednih proizvođača, po objavljenom Javnom pozivu, veći od iznosa finansijskih sredstava u Budžetu Općine Kalesija za 2026. godinu, Komisija za provedbu Javnog poziva zadržava pravo da svim poljoprivrednim proizvođačima, koji su ispunili uslove za dodjelu

finansijskih sredstava, utvrdi srazmjerno, procentualno umanjenje traženog iznosa sredstava, a maksimalno umanjenje će se vršiti do iznosa koji su u zbiru jednaki iznosu sredstava predviđenih u Budžetu Općine Kalesija za 2026. godinu.

Član 7.

Uvrđivanje iznosa finansijskih sredstava koji će biti dodijeljen aplikantu vrši se na osnovu dostavljene dokumentacije iz člana 8. ove Odluke.

Površina zasnovane proizvodnje, popunjena u tabeli, utvrdit će se na osnovu posjedovnog lista, odnosno ugovora o zakupu poljoprivrednog zemljišta ili kućne liste koji u prilogu imaju posjedovne listove koji su izdati na ime zakupodavca ili člana porodice dok će se iznos poticaja utvrditi na bazi dostavljenih fiskalnih računa ili ovjerenih i potpisanih faktura koje u prilogu imaju fiskalni račun, a sve u skladu sa normativima i standardima u poljoprivrednoj proizvodnji (količine repromaterijala/površina).

Član 8.

Poljoprivredni proizvođači registrovani u RPG/RK, koji žele iskoristiti svoje pravo na poticaj za proljetnu sjetvu mogu se prijaviti na Javni poziv tako što će u definisanom roku dostaviti, u originalu ili ovjerenoj kopiji, sljedeću dokumentaciju:

- Zahtjev, čiji će tekst utvrditi Komisija za provođenje Javnog poziva, potpisan od aplikanta fizičkog lica ili potpisan i ovjeren pečatom od aplikanta obrtnika i pravnog lica,
- Posjedovni list izdat nakon objavljenog Javnog poziva ili ugovor o zakupu sa posjedovnim listom koji glasi na zakupodavca (za ugovor je obavezna ovjera potpisa),
- Kućna lista uz koju se nalazi i posjedovni list za parcelu koja se koristi, ukoliko je parcela koju aplikant obrađuje u vlasništvu užeg člana porodice,
- Popunjena tabela vrste proizvodnje, površine i iznosa uloženi finansijskih sredstava, čiji oblik i sadržaj će izraditi Komisija za provođenje Javnog poziva,
- Dokaz o kupovini repromaterijala: sjemena, mineralnih đubriva, vodotopivih đubriva, zaštitnih sredstava, presadnice povrća, sjemena strnih žita, sadnice za proizvodnju voća (ovjerena otpemnica sa fiskalnim računom za fizička lica ili ovjerena i potpisana faktura koja u prilogu ima fiskalni račun za obrtnike i pravna lica, na kojem je jasno navedena vrsta i cijena repromaterijala),
- Izjava o zasijanim površinama i utrošenim novčanim sredstvima, čiji će tekst utvrditi Komisija za provođenje Javnog poziva (ovjeren potpis),

- PBA3 obrazac za fizička lica,
- Rješenja o registraciji za obrtnike i pravna lica,
- Potvrda/Uvjerenje banke ili drugi validan dokaz o aktivnom žiro računu.

Član 9.

Iznos novčanog poticaja, Komisija za provođenje Javnog poziva, utvrđuje na sljedeći način:

Iznosi dostavljenih računa	Finansijska poticaj
Od 500,00 KM do 8.000,00 KM	40% od utvrđenog ukupnog iznosa
Preko 8.000,00 KM	3.200,00 KM

Aplikacije koje u prilogu imaju račune definisane u članu 8. ove Odluke, a čiji zbir iznosi manje od 500,00 KM neće biti razmatrane.

Član 10.

Provjeru o upisu u registar poljoprivrednih gazdinstva i klijenata (RPG/RK) vršit će Komisija za provođenje Javnog poziva u saradnji sa Službom za privredu, budžet i inspeksijske poslove Općine Kalesija.

Član 11.

Poticaj definisan ovom Odlukom dodijelit će se na osnovu Javnog poziva koji raspisuje Općinski načelnik i koji će biti objavljen na Oglasnoj tabli Općine Kalesija, web stranici Općine Kalesija, radio stanici i bar jednom elektronskom mediju.

Javni poziv će trajati 15 dana od dana objavljivanja na Oglasnoj tabli Općine Kalesija.

Općinski načelnik zadržava pravo da u toku trajanja Javnog poziva isti izmijeni, dopuni ili poništi što će, također, biti objavljeno.

Član 12.

Prijave na Javni poziv mogu se dostaviti putem pošte (preporučeno), kurirske pošte ili lično u pisarnicu Općine Kalesija, na adresu: Općina Kalesija, ulica Patriotske lige br. 15, 75260 Kalesija.

Sve prijave koje se dostavljaju moraju biti u zatvorenoj koverti na kojoj je jasno naznačeno „JAVNI POZIV za dodjelu poticaja za proljetnu sjetvu na području općine Kalesija za 2026. godinu“.

Dokaz da je prijava dostavljena u roku predstavlja datum na poštanskom žigu ili dostavnici.

Prijave pristigle na Javni poziv sa nepotpunom dokumentacijom ili dokumentacijom koja nije pripremljena u skladu sa članom 8. ove Odluke, kao i prijave pristigle nakon isteka roka za dostavljanje

prijava, neće se uzeti u razmatranje i kao takve bit će odbačene.

Aplikant je odgovoran za tačnost podataka u prijavi i na propisanim obrascima.

Prispjela dokumentacija neće se vraćati.

Član 13.

U cilju zaštite ličnih podataka, podaci prikupljeni od aplikantata će se tretirati u skladu sa odredbama Zakona o zaštiti ličnih podataka BiH.

Član 14.

Općinski načelnik će imenovati Komisiju koja će provesti Javni poziv.

Komisija ima zadatak da pregleda, provjeri i utvrdi da li aplikanti ispunjavaju propisane uslove iz Javnog poziva, vrednuje i utvrdi novčani iznos poticaja na osnovu dostavljenih dokaza.

Komisija u svom sastavu ima tri člana iz reda uposlenika Organa uprave.

Nakon što utvrdi ispunjenost propisanih uslova iz Javnog poziva, Komisija će na osnovu utvrđenih kriterija, broja prijavljenih aplikantata koji ispunjavaju uslove i planiranih sredstava izračunati iznos poticaja za svakog aplikanta.

Komisija zadržava pravo izlaska na teren radi utvrđivanja stvarnog činjeničnog stanja.

Komisija će utvrditi preliminarnu rang listu prijavljenih aplikantata koji ispunjavaju uslove i istu objaviti na web stranici i Oglasnoj tabli Općine Kalesija.

Aplikanti koji na osnovu preliminarne rang liste smatraju da su oštećeni mogu izjaviti žalbu Komisiji za rješavanje po žalbama u drugostepenom postupku (u daljem tekstu: Drugostepena komisija), u roku od 8 dana računajući od dana objave preliminarne rang liste na Oglasnoj tabli Općine Kalesija.

Ukoliko ne bude žalbi u predviđenom roku Komisija donosi konačnu rang listu prijavljenih aplikantata sa iznosom finansijskih sredstava koji će se dodijeliti iz budžeta Općine Kalesija, a istu će objaviti na web stranici i Oglasnoj tabli Općine Kalesija.

Član 15.

Drugostepena komisija će, odlučujući o žalbama aplikantata, donijeti rješenje kojim će žalbu odbiti i donijeti konačnu rang listu, žalbu usvojiti i predmet vratiti prvostepenoj komisiji na ponovni postupak ili žalbu usvojiti i sama riješiti stvar tako što će donijeti konačnu rang listu prijavljenih aplikantata.

Član 16.

Ukoliko drugostepena komisija, postupajući po prigovoru, predmet vrati prvostepenoj komisiji na ponovni postupak, prvostepena komisija će, postupajući po uputama drugostepene komisije, donijeti novu preliminarnu rang listu u roku od 15 dana od dana

prijema spisa, te istu objaviti na web stranici i Oglasnoj tabli Općine Kalesija.

Protiv nove odluke donesene u ponovljenom postupku aplikanti imaju pravo žalbe drugostepenoj komisiji u roku od 8 dana od dana dostavljanja nove odluke.

Član 17.

Odlučujući o žalbi izjavljenoj protiv odluke donesene u ponovljenom postupku, drugostepena komisija će sačiniti i objaviti konačnu rang listu prijavljenih aplikantata sa iznosima finansijskih sredstava koji će se dodijeliti iz budžeta Općine Kalesija, te istu objaviti na web stranici i Oglasnoj tabli Općine Kalesija.

Protiv konačne rang liste nije dopuštena žalba, ali se može pokrenuti upravni spor podnošenjem tužbe kod nadležnog Kantonalnog suda u Tuzli u roku od 30 dana od dana objave liste na web stranici i Oglasnoj tabli Općine Kalesija.

Član 18.

Po dostavljenoj konačnoj rang listi Općinski načelnik donosi Odluku o dodjeli poticaja za proljetnu sjetvu na području općine Kalesija za 2026. godinu.

Član 19.

Isplata novčanih sredstava vršit će se putem Službe za privredu, budžet i inspekcijske poslove Općine Kalesija na žiro račune obrtnika i pravnih lica, odnosno tekuće/žiro račune fizičkih lica koji su ispunili kriterije iz Javnog poziva.

Član 20.

Za sve što nije regulisano ovom Odlukom primjenjivat će se odredbe Zakona o upravnom postupku FBiH.

Član 21.

Ova Odluka stupa na snagu danom objavljivanja u Službenom glasniku Općine Kalesija.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVAJUĆI
OPĆINSKOG VIJEĆA

Damir Džafić, dipl. ecc.s.r.

Broj: 01-04-2-2456/26

Datum, 26.05.2026. godine

80

Na osnovu člana 14. stav 4. Zakona o eksproprijaciji ("Službene novine Federacije BiH", br. 70/07, 37/10, 25/12, 8/15 - Presuda Ustavnog suda Federacije Bosne i Hercegovine broj U-64/14 i 34/16) i člana 42. Statuta općine Kalesija – Prečišćen tekst ("Sl. glasnik općine Kalesija", broj 10/07, 7/08, 10/11, 3/12 i 6/13), Općinsko vijeće Kalesija na sjednici održanoj 25.05.2026. godine, donosi:

ODLUKU

o utvrđivanju javnog interesa za izgradnju kružnog toka na spoju lokalne ceste Tojšići-Hidani i regionalne ceste Tojšići-Kikači-Požanica sa M4 dionica Simin Han-Međaš-linija entiteta

I

Utvrđuje se javni interes za izgradnju kružnog toka na spoju lokalne ceste Tojšići-Hidani i regionalne ceste Tojšići-Kikači-Požanica sa M4 dionica Simin Han-Međaš-linija entiteta, te se u tu svrhu, a za potrebe JP Ceste Federacije BiH d.o.o. Sarajevo, može pristupiti potpunoj eksproprijaciji nekretnina označenih sa:

1. Dio u površini od cca 1150m², od parcele označene sa k.č. broj 1272/1 zvana MEĐAŠ POŽARNICA u naravi Regionalni put površine 3024 m², upisana u PL 108 KO Tojšići kao Javno dobro putevi i ZK uložak broj 1343 KO Tojšići kao javno dobro,
2. Dio u površini od cca 897m², od parcele označene sa k.č. broj 1659 zvana NOVI PUT u naravi Regionalni put površine 9648 m² upisana u PL 108 KO Tojšići kao Javno dobro putevi i ZK uložak broj 1343 KO Tojšići kao javno dobro,
3. K.č. broj 1660 zvana NOVI PUT u naravi Regionalni put površine 1461 m² upisana u PL 108 KO Tojšići kao Javno dobro putevi i ZK uložak broj 1343 KO Tojšići kao javno dobro,
4. Dio u površini od cca 5m², od parcele označene sa k.č. broj 1272/2 zvana LUKA u naravi neplodno zemljište površine 165 m², upisana u PL 113KO Tojšići u posjed Općine Kalesija i ZK uložak broj 1343 KO Tojšići kao vlasništvo Općine Kalesija sa dijelom 1/1,
5. Dio u površini od cca 3m², od parcele označene sa k.č. broj 1278/4 zvana MERAJA u naravi oranica/njiva 3 klase površine 274 m², upisana u PL 1094 KO Tojšići u u posjed Pašćanović Džemila Nermin iz Tojšića i ZK uložak broj 321 KO Tojšići kao vlasništvo Pašćanović Džemila Nermin iz Tojšića sa dijelom 1/1,
6. Dio u površini od cca 102m², od parcele označene sa k.č. broj 1278/1 zvana MERAJA u naravi oranica/njiva 3 klase površine 785 m², upisana u PL 3618 KO Tojšići u posjed Hodžić

Mirsada Admire rođena Đedović iz Kikača i ZK uložak broj 778 KO Tojšići kao vlasništvo Hodžić Mirsada Admire rođena Đedović iz Kikača sa dijelom 1/1,

7. Dio u površini od cca 7m², od parcele označene sa k.č. broj 1278/5 zvana MERAJA u naravi oranica/njiva 3 klase površine 188 m² upisana u PL 3618 KO Tojšići u posjed Hodžić Mirsada Admire rođena Đedović iz Kikača i ZK uložak broj 778 KO Tojšići kao vlasništvo Hodžić Mirsada Admire rođena Đedović iz Kikača sa dijelom 1/1 i
8. Dio u površini od cca 4m², od parcele označene sa k.č. broj 1278/6 zvana MERAJA u naravi oranica/njiva 3 klase površine 180 m² upisana u PL 3618 KO Tojšići u posjed Hodžić Mirsada Admire rođena Đedović iz Kikača i ZK uložak broj 778 KO Tojšići kao vlasništvo Hodžić Mirsada Admire rođena Đedović iz Kikača sa dijelom 1/1.

II

Utvrđuje se da je JP Ceste Federacije BiH d.o.o. Sarajevo, Terezija 54, 71000 Sarajevo, korisnik eksproprijacije zemljišta iz tačke I ove Odluke.

III

Ova Odluka stupa na snagu danom objavljivanja u "Službenom glasniku općine Kalesija".

IV

Protiv ove Odluke se može pokrenuti upravni spor podnošenjem tužbe Kantonalnom sudu u Tuzli u roku od 30 dana od dana prijema ove Odluke. Tužba se podnosi neposredno nadležnom sudu.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-04-2-2455/26
Datum, 26.05.2026. godine

PREDSJEDAVAJUĆI
OPĆINSKOG VIJEĆA
Damir Džafić, dipl. ecc.s.r.

81

Na osnovu člana 13. Zakona o principima lokalne samouprave u Federaciji BiH ("Sl.novine FBiH", broj 49/06 i 51/09), člana 42. Statuta općine Kalesija - Prečišćeni tekst ("Sl. glasnik općine Kalesija", broj: 10/07, 7/08, 10/11, 3/12 i 6/13) i člana 11. stav 3. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona ("Sl. novine Tuzlanskog kantona", broj: 11/19), Općinsko vijeće Kalesija na sjednici održanoj 25.05.2026. godine, donosi

ODLUKU

o davanju prethodne saglasnosti za imenovanje direktora

JP „Vodovod i kanalizacija Kalesija“ d.o.o. Kalesija

Član 1.

Daje se prethodna saglasnost Nadzornom odboru JP „Vodovod i kanalizacija Kalesija“ d.o.o. Kalesija za imenovanje Senaida Sinanovića iz Miljanovaca, općina Kalesija za direktora JP „Vodovod i kanalizacija Kalesija“ d.o.o. Kalesija, na mandatni period od 4 (četiri) godine.

Član 2.

Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina

Federacija Bosne i Hercegovine

TUZLANSKI KANTON

OPĆINA KALESIJA

OPĆINSKO VIJEĆE

Broj: 01-04-2-2458/26

Datum:26.05.2026. godine

PREDSJEDAVAJUĆI
OPĆINSKOG VIJEĆA

Damir Džafić. dipl.ecc. s.r.

82

Na osnovu člana 13. Zakona o principima lokalne samouprave u Federaciji BiH ("Sl.novine FBiH", broj 49/06 i 51/09), člana 42. Statuta općine Kalesija - Prečišćeni tekst ("Sl. glasnik općine Kalesija", broj: 10/07, 7/08, 10/11, 3/12 i 6/13) i člana 11. stav 3. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona ("Sl. novine Tuzlanskog kantona", broj: 11/19), Općinsko vijeće Kalesija na sjednici održanoj 25.05.2026. godine, donosi

ODLUKU

o davanju prethodne saglasnosti za imenovanje direktora

JP „Veterinarska stanica“ d.o.o. Kalesija

Član 1.

Daje se prethodna saglasnost Nadzornom odboru JP „Veterinarska stanica“ d.o.o. Kalesija za imenovanje Nermina Živčića iz Kalesije za direktora JP „Veterinarska stanica“ d.o.o. Kalesija, na mandatni period od 4 (četiri) godine.

Član 2.

Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina

Federacija Bosne i Hercegovine

TUZLANSKI KANTON

OPĆINA KALESIJA

OPĆINSKO VIJEĆE

Broj: 01-04-2-2454/26

Datum: 26.05.2026. godine

PREDSJEDAVALAČI

OPĆINSKOG VIJEĆA

Damir Džafić, dipl.ecc.s.r.

83

Na osnovu člana 12. Zakona o ministarskim, vladinim i drugim imenovanjima ("Sl. novine FBiH" broj: 12/03, 34/03 i 65/13), člana 13. Zakona o principima lokalne samouprave ("Sl. novine FBiH" broj: 49/06 i 51/09), člana 42. Statuta općine Kalesija - prečišćeni tekst ("Sl. glasnik općine Kalesija" broj: 10/07, 7/08, 10/11, 3/12 i 6/13), člana 2. Odluke o utvrđivanju standarda, kriterija i postupka imenovanja na pozicije u reguliranim organima općine Kalesija ("Sl. glasnik općine Kalesija" broj: 9/15 i 3/16) i člana 5. stav 5. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Sl. novine Tuzlanskog kantona“, broj 11/19), Općinsko vijeće Kalesija na sjednici održanoj 25.05.2026. godine, donosi

ODLUKU

o utvrđivanja prijedloga kandidata za imenovanje predsjednika Nadzornog odbora Javnog preduzeća „Veterinarska stanica“ d.o.o Kalesija čiji je osnivač općina Kalesija

Član 1.

Utvrdjuje se prijedlog kandidata za predsjednika Nadzornog odbora Javnog preduzeća „Veterinarska stanica“ d.o.o. Kalesija iz reda osnivača Izet Jajičević iz Kalesije Gornje.

Član 2.

Predsjednik Nadzornog odbora Javnog preduzeća „Veterinarska stanica“ d.o.o. Kalesija iz člana 1. ove Odluke imenuju se na period do isteka mandata aktuelnog saziva Nadzornog odbora JP „Veterinarska stanica“ d.o.o. Kalesija.

Član 3.

U skladu sa ovom Odlukom i članom 5. stav 6. Uredbe o vršenju ovlaštenja u privrednim društvima sa učešćem kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj: 11/19), Skupština Javnog preduzeća „Veterinarska stanica“ d.o.o. Kalesija će donijeti Odluku o imenovanju predsjednika Nadzornog odbora Javnog preduzeća „Veterinarska stanica“ d.o.o. Kalesija na period do isteka mandata aktuelnog saziva Nadzornog odbora.

Član 4.

Odluka stupa na snagu danom objavljivanja u "Službenom glasniku općine Kalesija".

Bosna i Hercegovina

Federacija Bosne i Hercegovine

TUZLANSKI KANTON

OPĆINA KALESIJA

OPĆINSKO VIJEĆE

Broj: 01-04-2-2453/26

Datum: 26.05.2026. godine

PREDSJEDAVALAČI

OPĆINSKOG VIJEĆA

Damir Džafić, dipl.ecc.s.r.

84

Na osnovu člana 13. Zakona o principima lokalne samouprave u Federaciji Bosne i Hercegovine („Sl. novine FBiH“ broj 49/06 i 51/09), člana 118. Statuta općine Kalesija – Prečišćeni tekst („Službeni glasnik općine Kalesija" broj 10/07, 7/08, 10/11, 3/12 i 6/13), Općinsko vijeće Kalesija na sjednici održanoj dana 25.05.2026. godine, donosi

ODLUKU

o izmjenama Odluke o izboru članova vijeća Mjesnih zajednica na području općine Kalesija
Član 1.

U članu 2. Odluke o izboru članova vijeća Mjesnih zajednica na području općine Kalesija ("Sl. glasnik općine Kalesija" br. 4/25, 9/25 i 4/26), u tekstu koji se odnosi na prikaz izabраниh članova vijeća Mjesnih zajednica, vrši se zamjena člana i to u:

- MZ Brda, u rubrici Prezime i ime kandidata:

umjesto imena "Juso (Jusuf) Križevac " treba da stoji "Ahmetbegović (Rašid) Asim".

Član 2.

Ova Odluka stupa na snagu danom objavljivanja u "Službenom glasniku općine Kalesija"

Bosna i Hercegovina

Federacija Bosne i Hercegovine

TUZLANSKI KANTON

OPĆINA KALESIJA

OPĆINSKO VIJEĆE

Broj:01-04-2-2452/26

Datum: 26.05.2026. godine

PREDSJEDAVALAČI

OPĆINSKOG VIJEĆA

Damir Džafić, dipl.ecc.s.r.

85

Na osnovu člana 13. Zakona o principima lokalne samouprave u Federacije BiH (Sl. novine Federacije BiH“, broj 49/06 i 51/09), člana 42. Statuta općine Kalesija – Prečišćeni tekst (“Sl. glasnik općine Kalesija”, broj 10/07, 7/08, 10/11, 3/12 i 6/13) i člana 28. stav 1. Odluke o uslovima, načinu i postupku raspolaganja nekretninama u vlasništvu općine Kalesija (“Sl. glasnik Općine Kalesija”, broj: 09/14 i 2/26), Općinsko vijeće Kalesija, na sjednici održanoj dana 25.05.2026. godine donosi,

ODLUKU

o davanju saglasnosti na Odluku o zaključenju ugovora o prodaji neizgrađenog građevinskog zemljišta putem javnog nadmetanja-licitaciji

Član 1.

Ovom Odlukom daje se saglasnost na Odluku o zaključenju ugovora o prodaji neizgrađenog građevinskog zemljišta putem javnog nadmetanja-licitacije sa „Helena Chair“ d.o.o. Kalesija broj: 02-04-2-1491-8 od 04.05.2026. godine.

Član 2.

Ova Odluka stupa na snagu danom objavljivanja u “Službenom glasniku Općine Kalesija”.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj:01-04-2-2451/26
Datum: 26.05.2026. godine

PREDSJEDAVALAČI
OPĆINSKOG VIJEĆA

Damir Džafić, dipl.ecc.s.r

Na osnovu člana 364. stav 2. Zakona o stvarnim pravima („Službene novine Federacije BiH“ broj: 66/13 i 100/13), člana 7. i 8. Odluke o uslovima, načinu i postupku raspolaganja nekretnina u vlasništvu općine Kalesija („Službeni glasnik Općine Kalesija”, broj 9/14 i 2/26), člana 15. Zakona o principima lokalne samouprave („Službene novine Federacije BiH“, broj 49/06 i 51/09) i člana 56. Statuta općine Kalesija – Prečišćeni tekst (“Službeni glasnik Općine Kalesija”, broj: 10/07, 7/08, 10/11, 3/12 i 6/13) Općinski načelnik, d o n o s i

ODLUKU

o zaključenju ugovora o prodaji neizgrađenog građevinskog zemljišta putem javnog nadmetanja-licitacije

Član 1.

Ovom Odlukom uređuju se uslovi zaključenja ugovora, visina i način isplate, kupoprodajna cijena, uvođenje u posjed, 625ao v svi ostali troškovi koji se odnose na postupak prodaje nekretnine.

Član 2.

Kao najpovoljnijem ponuđaču na javnom nadmetanju-licitaciji, prodaje se neizgrađeno građevinsko zemljište „Helena Chair “ d.o.o. Kalesija radi izgradnje poslovnog objekta u skladu sa Regulacionim planom Proizvodno poslovna zona „Kalesija Grad, Kalesijsko polje i Četenište“ i to parcele označene sa k.č.br. 1233/23 zv. „Lugovi“, oranica/njiva 4.klase površine 3095 m² upisana u zk.ul. br. 744 k.o. Prnjavor, kojoj po katastarskom operatu odgovara k.č.br.1233/23 zv. „Lugovi“ oranica/njiva 4.klase površine 3095 m² upisana u pl. Br.706 k.o. Prnjavor po cijeni od 93.000,00 KM i k.č.br. 1233/24 zv. „Lugovi“, oranica/njiva 4. klase površine 3095 m² upisana u zk.ul. br.744 k.o. Prnjavor, kojoj po katastarskom operatu odgovara k.č.br.1233/24 zv.“Lugovi“ oranica/njiva 4.klase površine 3095 m² upisana u pl. Br. 706 k.o. Prnjavor po cijeni od 93.000,00 KM uz obavezu isplate cjelokupnog iznosa kupoprodajne cijene u roku od 15 dana od dana dobijanja saglasnosti Općinskog vijeća na ovu Odluku, a prije zaključenja ugovora o kupoprodaji. Uplata će se izvršiti na depozitni račun Budžeta Općine Kalesija broj 338-650-22466442-95, vrsta prihoda 722431, šifra općine 044.

Član 3.

Predaju nekretnine iz člana 2. ove odluke u posjed kupcu izvršit će Služba za geodetske i imovinsko-pravne poslove Općine Kalesija, u roku od 30 dana od dana zaključenja ugovora o kupoprodaji. Troškove notarske obrade ugovora o kupoprodaji, 625ao v za uknjižbu i sve ostale troškove koji se odnose na kupoprodaju nekretnine iz stava 1. Ovog člana, snosi kupac.

Član 4.

Općinski načelnik će u ime Općine Kalesija, kao prodavac, na osnovu ove Odluke, pribavljenog mišljenja Općinskog pravobranioca i saglasnosti Općinskog vijeća Kalesija 625ao vu odluku sa „Helena Chair“ d.o.o. Kalesija kao kupcem zaključiti ugovor o kupoprodaji nekretnina iz člana 2. Ove odluke a prema uvjetima iz člana 2. I 3. Ove odluke.

Član 5.

Obavezuje se „Helena Chair “ d.o.o. Kalesija, da u roku od 8 dana od dana dobijanja saglasnosti Općinskog vijeća Kalesija na ovu odluku, uplati troškove vještačenja stalnog sudskog vještaka za procjenu tržišne vrijednosti zemljišta iz člana 1. ove odluke u iznosu od 480,00 KM na depozitni račun Budžeta Općine Kalesija broj 338-650-22466442-95, vrsta prihoda 722611, šifra općine 044.

Član 6.

Ova Odluka stupa na snagu danom dobijanja saglasnosti Općinskog vijeća Kalesija.

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-04-2-1491-8
Datum: 04.05.2026.godine

OPĆINSKI NAČELNIK

Nermin Mujkanović, MA iur. s.r.

86

Na osnovu člana 13. Zakona o principima lokalne samouprave u Federaciji BiH („Sl. novine Federacije BiH“, broj 49/06 i 51/09), člana 42. Statuta općine Kalesija – Prečišćeni tekst (“Sl. glasnik općine Kalesija”, broj 10/07, 7/08, 10/11, 3/12 i 6/13) i člana 28. stav 1. Odluke o uslovima, načinu i postupku raspolaganja nekretninama u vlasništvu općine Kalesija (“Sl. glasnik Općine Kalesija”, broj 09/14 i 2/26), Općinsko vijeće Kalesija, na sjednici održanoj dana 25.05.2026. godine donosi,

ODLUKU**o davanju saglasnosti na Odluku o zaključenju ugovora o prodaji neizgrađenog građevinskog zemljišta putem javnog nadmetanja-licitaciji****Član 1.**

Ovom Odlukom daje se saglasnost na Odluku o zaključenju ugovora o prodaji neizgrađenog građevinskog zemljišta putem javnog nadmetanja-licitacije sa „Ibra“ d.o.o. Tuzla broj: 02-04-2-1491-7 od 04.05.2026. godine.

Član 2.

Ova Odluka stupa na snagu danom objavljivanja u “Službenom glasniku Općine Kalesija”.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj:01-04-2-2450/26
Datum: 26.05.2026. godine

PREDSJEDAJUĆI
OPĆINSKOG VIJEĆA

Damir Džafić, dipl.ecc.s.r

Na osnovu člana 364. stav 2. Zakona o stvarnim pravima ("Službene novine Federacije BH" broj: 66/13 i 100/13), člana 7. i 8. Odluke o uslovima, načinu i postupku raspolaganja nekretnina u vlasništvu općine Kalesija ("Službeni glasnik Općine Kalesija", broj 9/14 i 2/26), člana 15. Zakona o principima lokalne samouprave („Službene novine Federacije BiH“, broj 49/06 i 51/09) i člana 56. Statuta općine Kalesija – Prečišćeni tekst (“Službeni glasnik Općine Kalesija”, broj: 10/07, 7/08, 10/11, 3/12 i 6/13) Općinski načelnik, d o n o s i:

ODLUKU**o zaključenju ugovora o prodaji neizgrađenog građevinskog zemljišta putem javnog nadmetanja-licitaciji****Član 1.**

Ovom Odlukom uređuju se uslovi zaključenja ugovora, visina i način isplate, kupoprodajna cijena, uvođenje u posjed, kao i svi ostali troškovi koji se odnose na postupak prodaje nekretnine.

Član 2.

Kao najpovoljnijem ponuđaču na javnom nadmetanju-licitaciji, prodaje se neizgrađeno građevinsko zemljište „Ibra“ d.o.o. Tuzla radi izgradnje poslovnog objekta u skladu sa Regulacionim planom Proizvodno poslovna zona „Kalesija Grad, Kalesijsko polje i Četenište“ i to parcele označene sa k.č.br. 1233/4 zv. "Lugovi", oranica/njiva 4. klase površine 2256 m² upisana u zk. ul. br. 744 k.o. Prnjavor, kojoj po katastarskom operatu odgovara k.č.br. 1233/4 zv."Lugovi" oranica/njiva 4. klase površine 2256 m² upisana u pl. br.706 k.o. Prnjavor po cijeni od 72.192,00 KM, k.č.br. 1233/26 zv. "Lugovi", oranica/njiva 4.klase površine 2127 m² upisana u zk.ul. br.744 k.o. Prnjavor, kojoj po katastarskom operatu odgovara k.č.br. 1233/26 zv. "Lugovi" oranica/njiva 4. klase površine 2127 m² upisana u pl. br.706 k.o. Prnjavor po cijeni od 68.064,00 i k.č.br. 1233/27 zv. "Lugovi", oranica/njiva 6.klase površine 2683 m² upisana u zk. ul. br. 744 k.o. Prnjavor, kojoj po katastarskom operatu odgovara k.č.br.1233/27 zv. "Lugovi" oranica/njiva 4. klase površine 2683 m² upisana u pl. br. 706 k.o. Prnjavor po cijeni od 85.856,00 KM uz obavezu isplate cjelokupnog iznosa kupoprodajne cijene u roku od 15 dana od dana dobijanja saglasnosti od Općinskog vijeća na ovu Odluku, a prije zaključenja ugovora o kupoprodaji.

Uplata će se izvršiti na depozitni račun Budžeta Općine Kalesija broj 338-650-22466442-95, vrsta prihoda 722431, šifra općine 044.

Član 3.

Predaju nekretnine iz člana 2. ove Odluke u posjed kupcu izvršit će Služba za geodetske i imovinsko-pravne poslove Općine Kalesija, u roku od 30 dana od dana zaključenja ugovora o kupoprodaji. Troškove notarske obrade ugovora o kupoprodaji, takse za uknjižbu i sve ostale troškove koji se odnose na kupoprodaju nekretnine iz stava 1. ovog člana snosi kupac.

Član 4.

Općinski načelnik će u ime Općine Kalesija, kao prodavac, na osnovu ove Odluke, pribavljenog mišljenja

Općinskog pravobranioca i saglasnosti Općinskog vijeća Kalesija na ovu Odluku sa „Ibra“ d.o.o. Tuzla kao kupcem zaključiti ugovor o kupoprodaji nekretnina iz člana 2. ove Odluke a prema uvjetima iz člana 2. i 3. ove Odluke.

Član 5.

Obavezuje se „Ibra“ d.o.o. Tuzla, da u roku od 8 dana od dana dobijanja saglasnosti Općinskog vijeća Kalesija na ovu Odluku, uplati troškove vještačenja stalnog sudskog vještaka za procjenu tržišne vrijednosti zemljišta iz člana 1. ove odluke u iznosu od 720,00 KM na depozitni račun Budžeta Općine Kalesija broj 338-650-22466442-95, vrsta prihoda 722611, šifra općine 044.

Član 6.

Ova Odluka stupa na snagu danom dobijanja saglasnosti Općinskog vijeća Kalesija.

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-04-2-1491-7
Datum: 04.05.2026. godine

OPĆINSKI NAČELNIK

Nermin Mujkanović, MA iur. s.r.

87

Na osnovu člana 13. Zakona o principima lokalne samouprave u Federacije BiH („Sl. novine Federacije BiH“, broj 49/06 i 51/09), člana 42. Statuta općine Kalesija – Prečišćeni tekst (“Sl. glasnik općine Kalesija”, broj 10/07, 7/08, 10/11, 3/12 i 6/13) i člana 28. stav 1. Odluke o uslovima, načinu i postupku raspolaganja nekretninama u vlasništvu općine Kalesija (“Sl. glasnik Općine Kalesija”, broj 09/14 i 2/26), Općinsko vijeće Kalesija, na sjednici održanoj dana 25.05.2026. godine donosi,

ODLUKU

o davanju saglasnosti na Odluku o zaključenju ugovora o prodaji neizgrađenog građevinskog zemljišta putem javnog nadmetanja-licitacije

Član 1.

Ovom Odlukom daje se saglasnost na Odluku o zaključenju ugovora o prodaji neizgrađenog građevinskog zemljišta putem javnog nadmetanja - licitacije sa Hajrudin Bećirbašić iz Kalesije broj: 02-04-2-1491-9 od 04.05.2026. godine.

Član 2.

Ova Odluka stupa na snagu danom objavljivanja u “Službenom glasniku Općine Kalesija”.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj:01-04-2-2449/26
Datum: 26.05.2026. godine

PREDSJEDAVAJUĆI
OPĆINSKOG VIJEĆA

Damir Džafić, dipl.ecc.s.r

Na osnovu člana 364. stav 2. Zakona o stvarnim pravima (“Službene novine Federacije BiH” broj: 66/13 i 100/13), člana 7. i 8. Odluke o uslovima, načinu i postupku raspolaganja nekretnina u vlasništvu općine Kalesija (“Službeni glasnik Općine Kalesija”, broj 9/14 i 2/26), člana 15. Zakona o principima lokalne samouprave („Službene novine Federacije BiH“, broj 49/06 i 51/09) i člana 56. Statuta općine Kalesija – Prečišćeni tekst (“Službeni glasnik Općine Kalesija”, broj: 10/07, 7/08, 10/11, 3/12 i 6/13) Općinski načelnik, d o n o s i

ODLUKU

o zaključenju ugovora o prodaji neizgrađenog građevinskog zemljišta putem javnog nadmetanja-licitacije

Član 1.

Ovom Odlukom uređuju se uslovi zaključenja ugovora, visina i način isplate, kupoprodajna cijena, uvođenje u posjed, kao i svi ostali troškovi koji se odnose na postupak prodaje nekretnine.

Član 2.

Kao najpovoljnijem ponuđaču na javnom nadmetanju-licitaciji prodaje se neizgrađeno građevinsko zemljište Hajrudinu Bećirbašić radi izgradnje poslovnog objekta u skladu sa Regulacionim planom Proizvodno poslovna zona „Kalesija Grad, Kalesijsko polje i Četenište“ i to parcela označena sa k.č.br. 1233/25 zv.

"Lugovi", oranica/njiva 4. klase površine 3466 m² upisana u zk.ul. br.744 k.o. Prnjavor kojoj po katastarskom operatu odgovara k.č.br. 1233/25 zv. "Lugovi" oranica/njiva 4. klase površine 3466 m² upisana u pl. br. 706 k.o. Prnjavor po cijeni od 104.000,00 KM uz obavezu isplate cjelokupnog iznosa kupoprodajne cijene u roku od 15 dana od dana dobijanja saglasnosti Općinskog vijeća na ovu Odluku, a prije zaključenja ugovora o kupoprodaji.

Uplata će se izvršiti na depozitni račun Budžeta Općine Kalesija broj 338-650-22466442-95, vrsta prihoda 722431, šifra općine 044.

Član 3.

Predaju nekretnine iz člana 2. ove odluke u posjed kupcu izvršit će Služba za geodetske i imovinsko-pravne poslove Općine Kalesija, u roku od 30 dana od dana zaključenja ugovora o kupoprodaji.

Troškove notarske obrade ugovora o kupoprodaji, takse za uknjižbu i sve ostale troškove koji se odnose na kupoprodaju nekretnine iz stava 1. ovog člana snosi kupac.

Član 4.

Općinski načelnik će u ime Općine Kalesija, kao prodavac, na osnovu ove Odluke, pribavljenog mišljenja Općinskog pravobranioca i saglasnosti Općinskog vijeća Kalesija na ovu odluku sa Hajrudin Bećirbašić iz Kalesije

kao kupcem zaključiti ugovor o kupoprodaji nekretnina iz člana 2. ove Odluke a prema uvjetima iz člana 2. i 3. ove odluke.

Član 5.

Obavezuje se Hajrudin Bećirbašić iz Kalesije, da u roku od 8 dana od dana dobijanja saglasnosti Općinskog vijeća Kalesija na ovu odluku, uplati troškove vještačenja stalnog sudskog vještaka za procjenu tržišne vrijednosti zemljišta iz člana 1. ove odluke u iznosu od 240,00 KM na depozitni račun Budžeta Općine Kalesija broj 338-650-22466442-95, vrsta prihoda 722611, šifra općine 044.

Član 6.

Ova Odluka stupa na snagu danom dobijanja saglasnosti Općinskog vijeća Kalesija.

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-04-2-1491-9
Datum: 04.05.2026. godine

OPĆINSKI NAČELNIK

Nermin Mujkanović, MA iur. s.r.

88

Na osnovu člana 52. stav 1. tačka 3. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ broj 35/05), člana 13. Zakona o principima lokalne samouprave u Federaciji Bosne i Hercegovine (“Službene novine Federacije Bosne i Hercegovine“, broj 49/06 i 51/09) i člana 42. Statuta općine Kalesija – Prečišćeni tekst (“Sl. glasnik općine Kalesija“, broj 10/07, 7/08, 10/11, 3/12 i 6/13) Općinsko vijeće, na sjednici održanoj 25.05.2026. godine donosi,

ODLUKU

o davanju saglasnosti na Pravilnik o izmjenama Pravilnika o unutrašnjoj organizaciji i sistematizaciji službi za upravu i stručnih službi Općine Kalesija

Član 1.

Ovom Odlukom daje se saglasnost na Pravilnik o izmjenama Pravilnika o unutrašnjoj organizaciji i sistematizaciji službi za upravu i stručnih službi Općine Kalesija broj od 02-02-1903-3 od 14.05.2026. godine.

Član 2.

Ova Odluka stupa na snagu danom objavljivanja u “Službenom glasniku Općine Kalesija”.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj:01-04-2-2448/26
Datum: 26.05.2026. godine

PREDSJEDAVAJUĆI
OPĆINSKOG VIJEĆA

Damir Džafić, dipl.ecc.s.r

Na osnovu člana 52. stav 1. tačka 3. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ broj 35/05), člana 15. Zakona o principima lokalne samouprave u Federaciji Bosne i Hercegovine (“Službene novine Federacije Bosne i Hercegovine” br. 49/06 i 51/09), Uredbe o poslovima osnovne djelatnosti, dopunskim poslovima osnovne djelatnosti i poslovima pomoćne djelatnosti iz nadležnosti organa državne službe u Tuzlanskom kantonu koje obavljaju državni službenici i namještenici, uslovima za vršenje tih poslova i ostvarivanju određenih prava iz radnog odnosa (“Službene novine Tuzlanskog kantona” br. 9/17, 11/17 i 15/22), Uredbe o načelima za utvrđivanje unutrašnje organizacije kantonalnih, gradskih i općinskih organa državne uprave (“Službene novine Tuzlanskog kantona” broj 12/08), člana 56. Statuta općine Kalesija (“Službeni glasnik Općine Kalesija” br. 10/07, 7/08, 10/11, 3/12 i 6/13) i Odluke o organizaciji i djelokrugu rada organa uprave Općine Kalesija (“Službeni glasnik Općine Kalesija” br. 6/25, 9/25, 10/25 i 11/25), Općinski načelnik, d o n o s i

P R A V I L N I K

o izmjenama Pravilnika o unutrašnjoj organizaciji i sistematizaciji službi za upravu i stručnih službi Općine Kalesija

Član 1.

Ovim Pravilnikom vrši se izmjena Pravilnika o unutrašnjoj organizaciji i sistematizaciji službi za upravu i stručnih službi Općine Kalesija (“Službeni glasnik Općine Kalesija” br.11/25)-u daljem tekstu Pravilnik.

Član 2.

U članu 37. Pravilnika odjeljak „Služba za privredu, budžet i inspeksijske poslove“, sistematizovano radno mjesto „Stručni saradnik za budžet i finansije“ briše se, a sistematizuje se novo radno mjesto i dodaje tekst koji glasi:

“Stručni saradnik za finansije

Opis poslova

- Učestvuje u izradi prednacrt, nacrt i prijedloga Budžeta općine
- Prikuplja informacije relevantne za izradu prednacrt, nacrt i prijedloga Budžeta općine
- Priprema budžetske instrukcije budžetskim korisnicima
- Prati izvršenje budžeta općine i učestvuje u izradi izvještaja o izvršenju budžeta Općine
- Učestvuje u izradi plana likvidnosti budžeta Općine
- Prati namjenski utrošak budžetskih sredstava eksternih korisnika i preduzima mjere za povrat

nenamjenski utroška istih

- Priprema izjavu o fiskalnoj odgovornosti za prethodnu godinu
- Vršiti ovjeru finansijske dokumentacije
- Po potrebi ovjerava računovodstvenu evidenciju, izvještaje i obračune
- Priprema izvještaje o finansijskom upravljanju i kontroli
- Kontira sva dokumenta budžeta i općinskih službi
- Pregleda finansijske kartice i vrši usaglašavanja analitičkih sa sintetičkim evidencijama
- Obavlja i druge poslove po nalogu Pomoćnika načelnika

Vrsta djelatnosti: Poslovi osnovne djelatnosti

Naziv grupe poslova: Studijsko-analitički i stručno-operativni

Složenost poslova: Složeni

Status izvršioca: Državni službenik

Službeno zvanje: Stručni saradnik

Broj izvršilaca: 1 (jedan)

Uslovi za obavljanje poslova: - VSS/VII stepen stručne sprema ili visoko obrazovanje najmanje I ciklusa Bolonjskog sistema studiranja sa ostvarenih najmanje 240 ECTS bodova-Ekonomske fakultet, položen stručni ispit, položen stručni upravni ispit, poznavanje engleskog jezika, Certifikat za vođenje poslovnih knjiga, poznavanje rada na računaru (Windows i Excel) i najmanje 1 godina radnog staža u struci."

Član 3.

U članu 37. Pravilnika odjeljak „Služba za privredu, budžet i inspekcije poslove“ kod sistematizovanog radnog mjesta „Šef odsjeka za inspekcije poslove“ u dijelu teksta koji se odnosi na uslove za obavljanje poslova riječi „položen stručni ispit u struci“ briše se.

Član 4.

Pravilnik stupa na snagu danom stupanja na snagu Odluke o davanju saglasnosti na Pravilnik o izmjenama Pravilnika o unutrašnjoj organizaciji i sistematizaciji službi za upravu i stručnih službi Općine Kalesija od strane Općinskog vijeća i isti će se objaviti u „Službenom glasniku Općine Kalesija“.

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj: 02-02-1903-3
Datum: 14.05.2026.godine

OPĆINSKI NAČELNIK

Nermin Mujkanović, MA iur. s.r.

89

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćeni tekst II („Sl. glasnik općine Kalesija“, br. 4/26), Općinsko vijeće Kalesija, na 18. redovnoj sjednici, održanoj 25.05.2026. godine, donijelo je sljedeći

ZAKLJUČAK

I

Usvaja se Izvještaj o dugu Općine Kalesija za period 01.01.-31.03.2026. godine.

II

Zaključak će biti objavljen u „Službenom glasniku općine Kalesija“.

Bosna i Hercegovina

Federacija Bosne i Hercegovine

TUZLANSKI KANTON

OPĆINA KALESIJA

OPĆINSKO VIJEĆE

Broj: 01-04-2042/26

Datum, 26.05.2026. godine

PREDSEDavajući

OPĆINSKOG VIJEĆA

Damir Džafić, dipl.ecc.s.r

90

Na osnovu člana 34. Zakona o obrtu i srodnim djelatnostima u Federaciji BiH („Službene novine FBiH“, broj 75/21), člana 18. Zakona o unutrašnjoj trgovini („Službene novine FBiH“, broj 87/24), člana 11. Zakona o ugostiteljskoj djelatnosti („Službene novine FBiH“, broj 32/09), člana 14. Zakona o ugostiteljskoj djelatnosti („Službene novine TK“, broj 1/12 i 14/16) i člana 42. Statuta Općine Kalesija-Prečišćeni tekst („Službeni glasnik Općine Kalesija“ br. 10/07, 7/08, 10/11, 3/12 i 6/13), Općinsko vijeće, dana 03.06.2026. godine, donosi:

ODLUKA

o privremenom produženju radnog vremena ugostiteljskih objekata na području općine Kalesija

Član 1.

(Predmet Odluke)

- (1) Odlukom o privremenom produženju radnog vremena (u daljnjem tekstu: Odluka), utvrđuje se radno vrijeme ugostiteljskih objekata na području općine Kalesija, s ciljem podrške razvoju lokalne privrede, turističke ponude i osiguranja organizovanog praćenja sportskih manifestacija.
- (2) Odredbe iz prethodnog stava odnose se na pravna i fizička lica (u daljnjem tekstu: poslovni subjekti), koji pružaju ugostiteljske usluge.

Član 2.**(Vremenski period važenja)**

- (1) Ova Odluka je privremenog karaktera i primjenjuje se isključivo u periodu trajanja FIFA Svjetskog prvenstva u fudbalu, počevši od 10. juna 2026. godine do 20. jula 2026. godine.
- (2) Istekom roka iz stava (1) ovog člana, ugostiteljski objekti se vraćaju na režim radnog vremena propisan Odlukom o radnom vremenu objekata u oblasti trgovine, ugostiteljstva, turizma, obrtničkih i srodnih djelatnosti na području općine Kalesija („Službeni glasnik Općine Kalesija“, br. 4/22).

Član 3.**(Privremeno radno vrijeme)**

- (1) Izuzetno od relevantnih odredaba Odluke o radnom vremenu objekata u oblasti trgovine, ugostiteljstva, turizma, obrtničkih i srodnih djelatnosti na području općine Kalesija, ugostiteljski objekti u periodu određenom u članom 2. ove Odluke mogu raditi u vremenu od 06:00 sati do 01:00 sat narednog dana.
- (2) Produženje radnog vremena iz stava (1) ovog člana odnosi se i na pružanje jednostavnih ugostiteljskih usluga u ljetnim baštama uz registrovani ugostiteljski objekat.

Član 4.**(Stupanje na snagu)**

Ova Odluka stupa na snagu danom objavljivanja u „Službenom glasniku Općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-04-2547/26
Datum, 04.06.2026. godine

PREDSJEDAVALA
OPĆINSKOG VIJEĆA
Damir Džafić, dipl.ecc.s.r

OPĆINSKI NAČELNIK**91**

Na osnovu čl. 151. i čl. 152. stav 4., Zakona o zdravstvenoj zaštiti („Sl. novine Federacije BiH“, br. 46/10, 75/13), čl. 138. Zakona o zdravstvenoj zaštiti Tuzlanskog kantona („Sl. novine Tuzlanskog kantona“, br. 12/2025, 2/2026), čl. 35. Pravilnika o kontinuiranoj profesionalnoj edukaciji iz zdravstvenog menadžmenta („Sl. novine Federacije BiH“, br. 6/2020) i čl. 56. Statuta općine Kalesija – Prečišćeni tekst („Sl. glasnik Općine Kalesija“, br. 10/07, 7/08, 10/11, 3/12, 6/13), Općinski načelnik, donosi:

P R A V I L N I K**o kriterijima, uslovima i načinu finansiranja edukacije iz zdravstvenog menadžmenta****Član 1.**

Ovim Pravilnikom uređuju se uslovi, kriteriji i postupak po kojem Općina Kalesija (u daljem tekstu: Općina) vrši finansiranje/sufinansiranje troškova kontinuirane profesionalne edukacije iz zdravstvenog menadžmenta (nivoi SHCE 1, 2 i 3) kao i finansiranje/sufinansiranje učešća na kongresima i ostalim edukacijama zdravstveno-medicinskog karaktera, a za potrebe javnih zdravstvenih ustanova čiji je Općina osnivač ili čiji su korisnici usluga građani Općine.

Član 2.

Cilj finansiranja/sufinansiranja je osiguravanje stručnog upravljačkog kadra u zdravstvenim ustanovama kao i konstantno stručno usavršavanje, u skladu sa federalnim i kantonalnim propisima, radi efikasnijeg poslovanja i unapređenja zdravstvene zaštite na području Općine.

Član 3.

Pravo na finansiranje/sufinansiranje troškova edukacije imaju:

- a) zaposlenici javnih zdravstvenih ustanova na području Općine;
- b) zaposlenici javnih zdravstvenih ustanova sekundarne i tercijarne zdravstvene zaštite sa područja Tuzlanskog kantona;
- c) lica imenovana na rukovodne pozicije kojima je certifikat neophodan uslov za obavljanje funkcije.

Član 4.

Sredstva za finansiranje/sufinansiranje kontinuirane profesionalne edukacije iz zdravstvenog menadžmenta, kongresa i ostalih edukacija zdravstveno-medicinskog karaktera osiguravaju se u Budžetu Općine na budžetskoj poziciji „Edukacija iz zdravstvenog menadžmenta“ - kod 613923.

Isplata će se vršiti direktno organizatoru edukacije (fakultetu, zavodu i sl.) na osnovu fakture ili putem refundacije troškova zdravstvenoj ustanovi, odnosno kandidatu koji pohađa edukaciju ili učestvuje na kongresu.

Član 5.

Postupak za finansiranje/sufinansiranje profesionalne edukacije iz zdravstvenog menadžmenta se pokreće upućivanjem zahtjeva zdravstvene ustanove ili kandidata Općinskom načelniku. Uz zahtjev, kandidat je dužan priložiti:

- a) potvrda o zaposlenju/imenovanju;
- b) predračun troškova izdat od strane organizatora kongresa ili edukacije.

Član 6.

Nakon odobrenja sredstava, Općina i kandidat zaključuju Ugovor kojim se Općina, kao davalac sredstava, obavezuje platiti puni ili djelimični iznos troškova

kongresa ili edukacije, dok se kandidat, kao primalac sredstava, obavezuje da primljena novčana sredstva utroši u skladu sa namjenom za koju su izdvojena, kao i da nadležnoj općinskoj službi dostavi pismeni izvještaj o namjenskom utrošku novčanih sredstava najkasnije 90 dana od dana zaključivanja ugovora.

Član 7.

Ukoliko kandidat svojom krivicom ne okonča kongres ili edukaciju, dužan je Općini vratiti ukupan iznos isplaćenih sredstava uvećan za iznos zakonske zatezne kamate.

Član 8.

Ovaj Pravilnik stupa na snagu danom donošenja.

Bosna i Hercegovina

Federacija Bosne i Hercegovine

Tuzlanski kanton

OPĆINA KALESIJA

OPĆINSKI NAČELNIK

Broj: 02-02- 1560

Datum: 31.03.2026. godine

OPĆINSKI NAČELNIK

Nermin Mujkanović, MA iur. s.r.

92

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 56. Statuta Općine Kalesija-prečišćen tekst („Službeni glasnik Općine Kalesija“, broj: 10/07, 7/08, 10/11, 3/12 i 6/13), Odluka o budžetu Općine Kalesija za 2026.godinu („Službeni glasnik Općine Kalesija“ br.12/25) a u skladu sa odredbama Sporazuma u projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u platenicima“, zaključenog između Općine Kalesija i NVO Muslim Aid Association, broj 02-04-2-851 od 16.02.2026. godine, Općinski načelnik, d o n o s i

P R A V I L N I K

o utvrđivanju uslova, kriterija i postupka za ostvarivanje prava na dodjelu platenika, sistema za navodnjavanje, sjemenskog/sadnog materijala, kristalona i popratne opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u platenicima“ u 2026. godini na području općine Kalesija

I. OSNOVNE ODREDBE

Član 1.

Pravilnikom o utvrđivanju uslova, kriterija i postupka za ostvarivanje prava na dodjelu platenika i opreme u Projektu “Ekonomsko osnaživanje socijalno i

materijalno ugroženih osoba i mladih osoba kroz plasteničku proizvodnju povrća u platenicima” u 2026. godini na području općine

Kalesija (u daljem tekstu: Pravilnik), reguliše se dodjela 20 platenika od po 100 m² sa sadnim/sjemenskim materijalom, sistemom za navodnjavanje, kristalona i dodatnom opremom, osiguranih kroz projekat „Ekonomsko osnaživanje socijalno i materijalno ugroženih osoba i mladih osoba kroz plasteničku proizvodnju povrća u platenicima” u 2026. godini na području općine Kalesija (u daljem tekstu: Projekat), koji zajednički realizuju nevladina organizacija Muslim Aid Association i Općina Kalesija, po principu sufinansiranja Projekta u omjeru, 40% donatorska sredstva osigurana od strane Muslim Aid Association, 45% sredstva osigurana u Budžetu općine Kalesija i 15% vlastito učešće odabranog korisnika.

Član 2.

Pravo na dodjelu platenika u ovom Projektu imaju socijalno ili materijalno ugrožene osobe i mlade osobe u dobi od 18 do 35 godina koje imaju prebivalište na područja općine Kalesija, pod uslovom, da posjeduju vlastito poljoprivredno zemljište ili je zemljište u vlasništvu ili posjedu članova porodice koje žive u zajedničkom domaćinstvu, kao i zemljište koje im je ustupljeno na korištenje ili u zakup na period ne manji od 3 (tri) godine, a koje je u neposrednoj blizini (manje od 1 km putne komunikacije) stambenog objekta u kojem stanuju.

Pravo na dodjelu platenika u ovom Projektu nemaju lica koja su dobila donaciju u mehanizaciji i opremi za poljoprivrednu proizvodnju od Općine Kalesija, nadležnih ministarstava, humanitarnih i drugih organizacija u posljednje tri godine, kao ni lica koja ne pripadaju kategorijama navedenim u stavu 1. ovog člana.

Pravo na dodjelu platenika u ovom Projektu nemaju članovi uže porodice zaposlenika Muslim Aid Association i Općine Kalesija.

Pravo učešća nemaju lica koja su u proteklom vremenskom periodu nenamjenski koristila dobijena sredstva od Općine Kalesija i Muslim Aid Association.

II. USLOVI ZA DODJELU PLATENIKA OD 100 m² SA SISTEMOM ZA NAVODNJAVANJE, SADNIM/SJEMENSKIM MATERIJALOM I DODATNOM OPREMOM,

Član 3.

Podnositelj prijave treba da ispunjava sljedeće opće uslove:

Opći uslovi:

- da je nezaposlena osoba ili osoba sa minimalnim primanjima prema kriterijumima iz člana 4. ovog Pravilnika ili mlada osoba u dobi od 18 do 35

godina, sa prebivalištem na području općine Kalesija,

- da je nosilac ili član poljoprivrednog gazdinstva upisan u Registar poljoprivrednih gazdinstava i Registar klijenata u općini Kalesija (RPG i RK),
- da je podnositelj prijave ili član zajedničkog domaćinstva vlasnik ili posjednik zemljišta pogodnog za plastičnu proizvodnju ili da je zemljište uzeto na korištenje ili u zakup na period ne manji od 3 (tri) godine i da se zemljište nalazi u neposrednoj blizini
- stambenog objekta u kojem stanuje (manje od jednog kilometra putne komunikacije),
- da postoji mogućnost adekvatnog navodnjavanja plastenika (utvrđuje komisija za dodjelu plastenika na licu mjesta),
- da u trenutku prijave za učešće u ovom projektu nema više od 100 m² plastenika u svom posjedu ili posjedu člana zajedničkog domaćinstva (plastenik sa metalnom konstrukcijom i bočnim ventiliranjem),
- da će sufinansirati 15% od nabavne cijene plastenika sa dodatnom opremom (vlastito učešće u iznosu od 598,50 KM),
- da obavezno prisustvuje edukaciji iz oblasti plastične proizvodnje koju organizuju Muslim Aid Association i Općina Kalesija,
- da u posljednje tri godine nije ostvarivao-la pravo na donaciju u mehanizaciji i opremi za poljoprivrednu proizvodnju od općine Kalesija, nadležnih ministarstava, humanitarnih i drugih organizacija,
- da će dodijeljeni plastenik zadržati u vlasništvu najmanje 3 godine od potpisivanja Ugovora.

Posebni uslovi koji se dodatno boduju su slijedeći:

- broj članova zajedničkog domaćinstva
- broj nezaposlenih punoljetnih članova zajedničkog domaćinstva uključujući podnositelja prijave
- broj izdržavnih članova zajedničkog domaćinstva (djece, nezaposleni članovi koji na evidenciji osoba Biroa za zapošljavanje ili se ne vodi u evidenciji osiguranih lica kod Porezne uprave)
- Roditelj ili staratelj koji sam vodi brigu o djeci a koji nije zaključio novu zajednicu života
- mlade osobe starosti od 18 do 35 godina
- uslovi za plastičnu proizvodnju (položaj plastenika, mogućnost navodnjavanja, vjetrovitost, blizina stambenog objekta i sl.)

III KRITERIJI ZA BODOVANJE PODNOSITELJA PRIJAVE

Član 4.

- a) Pogodnost zemljišta za plastičnu proizvodnju i mogućnost navodnjavanja (utvrđuje komisija za dodjelu plastenika na licu mjesta):
- slabi uslovi (veliki nagib – preko 10°, udaljenost od kuće više od 500 m ali ne više od 1000 m, parcela vrlo malo osunčana) 1 bod
 - dobri uslovi (nagib od 5° do 10°, udaljenost od kuće do 500 m, parcela relativno dobro osunčana)2 boda
 - jako dobri uslovi (blag nagib – do 5°, udaljenost od kuće do 200 m, dobar pristup, parcela osunčana)3 boda

Kandidati kod kojih se na terenu utvrdi da parcele ne ispunjavaju gore navedene karakteristike ili ne postoji mogućnost navodnjavanja plastenika, podložne su jakim udarima vjetera, veliki nagib, nadmorska visina, erozija tla i sl. neće se bodovati, odnosno njihove prijave se neće uzeti u razmatranje.

- b) Pripadnost nekoj od sljedećih kategorija:
- podnositelj prijave je nezaposlena osoba.4 boda
 - za svakog punoljetnog nezaposlenog člana zajedničkog domaćinstva, koji se nalazi na evidenciji nezaposlenih osoba Biroa za zapošljavanje ili se ne vodi u evidenciji osiguranih lica kod Porezne uprave..... 2 boda
 - za svakog izdržavanog člana porodice (djeca, učenici i sl.)2 boda
 - podnositelj zahtjeva mlada osoba životne dobi od 18 do 35 godina3 boda
 - ako je podnositelj zahtjeva samohrani roditelj5 boda
- c) Mjesečni prihodi domaćinstva:
- ako su primanja po članu domaćinstva do 100,00 KM 7 bodova
 - ako su primanja po članu domaćinstva od 100,01 KM do 150,00 KM..... 6 bodova
 - ako su primanja po članu domaćinstva od 150,01 KM do 200,00 KM..... 5 bodova
 - ako su primanja po članu domaćinstva od 200,01 KM do 250,00 KM 4 boda
 - ako su primanja po članu domaćinstva od 250,01 KM do 300,00 KM 3 boda
 - ako su primanja po članu domaćinstva od 301,01 KM do 350,00 KM 2 boda
 - ako su primanja po članu domaćinstva od 350,01 KM do 400,00 KM 1 bod
 - ako su primanja po članu domaćinstva preko 400,01 KM 0 bodova

- d) Socijalni aspekt (stanje na terenu, imovno stanje, opći dojam i sl.) od 0 - 7 bodova,
(utvrđuje komisija za dodjelu plastenika izlaskom na teren)

Kada kandidati pri bodovanju imaju isti broj bodova, prednost će imati kandidati koji imaju status mlade osobe, nakon toga, kandidati sa većim brojem članova zajedničkog domaćinstva, a zatim kandidati sa većim brojem nezaposlenih članova zajedničkog domaćinstva.

IV. OBJAVA JAVNOG POZIVA I IZBOR KANDIDATA

Član 5.

- 1) Tekst javnog poziva, obrazac prijave i izjava utvrđuje Služba za privredu, budžet i inspeksijske poslove
- 2) U skladu sa odlukom iz stava 1) ovog člana javno oglašavanje vrši se na oglasnoj ploči i na web stranici Općine Kalesija.
- 3) Javni poziv treba obavezno da sadrži slijedeće:
 - a) naziv organa koji objavljuje poziv
 - b) korisnike prava koji mogu podnijeti prjavu,
 - c) uslove za ostvarivanje prava,
 - d) ograničenje prava na dodjelu plastenika
 - e) dokumentaciju neophodnu za odlučivanje
 - f) adresu organa kojem se prijave podnose
 - g) rok za podnošenje prijave

Član 6.

Izbor kandidata za dodjelu plastenika vrši komisija na osnovu uslova i kriterija iz ovog Pravilnika.

Komisiju iz prethodnog stava imenuje Pomoćnik načelnika Službe za privredu, budžet i inspeksijske poslove, a sastoji se od tri člana, od kojih su dva predstavnici Općine Kalesija, a jedan predstavnik Muslim Aid Association.

Zadatak Komisije je da izvrši pregled prispjelih prijava, evidentiranje kandidata koji ispunjavaju uslove iz javnog poziva, obavi uviđaj na licu mjesta, izradi zapisnik o radu i sačini rang listu kandidata na osnovu utvrđenih kriterija za bodovanje.

Komisija zadržava pravo naknadne provjere dokumentacije ukoliko se ukaže potreba za tim kao i mogućnost naknadne dopune dokumentacije u posebnim slučajevima.

Preliminarna rang lista odabranih kandidata se objavljuje na oglasnoj ploči Općine Kalesija i službenoj web stranici Općine Kalesija.

Na preliminarnu rang listu, nezadovoljni kandidati imaju pravo prigovora u roku 5 dana od dana objave preliminarne rang liste na Oglasnoj ploči i na web

stranici općine Kalesija. Prigovor se podnosi Komisiji za drugostepeno upravno rješavanje Općine Kalesija.

Nakon razmatranja prigovora od Komisije za drugostepeno upravno rješavanje, Komisija sačinjava konačnu listu. Na osnovu konačne liste zaključit će se tripartitni ugovori između NVO Muslim Aid Association, Općine Kalesija i odabranih korisnika kojim će biti regulisana međusobna prava i obaveze učesnika u ovom Projektu.

V. POTREBNA DOKUMENTACIJA

Član 7.

Uz potpisan prijavni obrazac obavezno se prilaže sljedeća dokumentacija:

1. Kućna lista podnosioca prijave
2. Dokaz o nezaposlenosti svih punoljetnih članova zajedničkog domaćinstva izdat od Biroa za zapošljavanje
Za nezaposlene osobe koje nisu prijavljene na Biro za zapošljavanje prilaže se potvrda da se osoba ne vodi u evidenciji osiguranih osoba izdata od Porezne uprave Kalesija,
3. Potvrda o upisu u Registar poljoprivrednih gazdinstava i Registar klijenata (RPG i RK) izdata od nadležne službe
4. Potvrda škole/fakulteta za djecu/izdržavane članove domaćinstva, a za djecu predškolskog uzrasta priložiti rodni list
5. Uvjerenje ili drugi dokaz o visini prihoda za svakog zaposlenog člana domaćinstva sa kućne liste, za penzionere posljednji ček od penzije za korisnike stalne socijalne pomoći prilaže se rješenje Centra za socijalni rad Kalesija o visini socijalne pomoći, za korisnike koji pripadaju boračko-invalidskoj kategoriji dostavlja se uvjerenje nadležne službe za poslove BIZ
6. Zemljišnoknjižni izvadak ili posjedovni list kojim se dokazuje vlasništvo ili posjed nad parcelom koja se namjerava koristiti za instaliranje plastenika ili ugovor o zakupu/korištenju parcele
7. Izvod iz matične knjige rođenih za roditelja/staratelja, Izvod iz matične knjige umrlih za umrlog roditelja/staratelja ili presuda o razvodu braka, dokaz da je roditelj/staratelj koji vodi sam brigu o djeci a nije zasnovao novu životnu zajednicu)
8. Ovjerenja izjava da u trenutku prijave za učešće u javnom pozivu za dodjelu plastenika iz ovog Projekta nema više od 100 m² plastenika u svom posjedu ili posjedu člana zajedničkog domaćinstva
9. Ovjerenja izjava da će korisnik dodijeljenog plastenika isti zadržati u vlasništvu najmanje 3 godine od dana potpisivanja ugovora

10. Ovjerena izjava da korisnik u posljednje tri godine nije ostvarivao-la pravo na donaciju u mehanizaciji i opremi za poljoprivrednu proizvodnju, od općine Kalesija, nadležnih ministarstava, humanitarnih i drugih organizacija,
11. Ovjerena izjava da će sufinansirati 15% od nabavne cijene plastenika sa dodatnom opremom (598,50 KM)
12. Ovjerena izjava da će obavezno prisustvovati edukaciji iz oblasti plateničke proizvodnje
13. Anketni upitnik sačinjen od NVO Muslim Aid Association

Svi dokumenti koji se prilažu uz prijavu moraju biti original ili ovjerena kopija i ne stariji od tri mjeseca.

Izjave pod rednim brojevima 8, 9, 10, 11 i 12 podnose se na propisanom obrascu izjave čiji sadržaj će utvrditi Služba za privredu, budžet i inspeksijske poslove, i koja će se moći preuzeti u Centru za pružanje usluga građanima Općine Kalesija i web stranici Općine Kalesija.

Član 8.

Između NVO Muslim Aid Association, Općine Kalesija i odabranih korisnika zaključit će se tripartitni ugovori kojim će biti regulisana međusobna prava i obaveze učesnika u ovom Projektu.

Ugovore iz prethodnog stava, u ime Općine Kalesija potpisat će Pomoćnik načelnika Službe za privredu, budžet i inspeksijske poslove.

Član 9.

Pravilnik stupa na snagu na dan donošenja i objavit će se u Službenom glasniku Općine Kalesija.

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj:02-04-2-851-2
Datum: 25.03.2026. godine

OPĆINSKI NAČELNIK

Nermin Mujkanović, MA iur. s.r.

93

Na osnovu člana 15. Zakona o principima lokalne samouprave u Federaciji BiH ("Službene novine FBiH" br. 49/06 i 51/09) i člana 56. Statuta Općine Kalesija – Prečišćeni tekst ("Sl. glasnik Općine Kalesija" br. 10/07, 7/08, 10/11, 3/12 i 6/13), Općinski načelnik, d o n o s i

O D L U K U

o proglašenju Dana žalosti na području općine Kalesija

Član 1.

Proglašava se 01.06.2026. godine Danom žalosti na području općine Kalesija, dan kada će biti obavljena

kolektivna dženaza u Memorijalnom centru Kalesija Gornja i obilježavanje 34.godišnjice zločina nad civilima Opštine Zvornik.

Član 2.

Dan žalosti obilježit će se spuštanjem zastava na pola koplja na zgradi Općine Kalesija, javnim ustanovama i preduzećima kojima je osnivač Općina Kalesija.

Član 3.

Na Dan žalosti neće se na javnim mjestima održavati programi javnog, kulturnog i zabavnog karaktera, a fizičke i pravne osobe koje obavljaju ugostiteljsku djelatnost dužne su svoje poslovanje obavljati primjereno Danu žalosti.

Član 4.

Elektronski mediji sa područja općine Kalesija će svoje programske sadržaje prilagoditi Danu žalosti.

Član 5.

Ova Odluka stupa na snagu danom donošenja i objavit će se u Službenom glasniku Općine Kalesija.

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKI NAČELNIK
Broj:02-04-2-2489
Datum: 29.05.2026. godine

OPĆINSKI NAČELNIK

Nermin Mujkanović, MA iur. s.r.

Sadržaj

Broj akta	OPĆINSKO VIJEĆE	Strana	Broj akta	OPĆINSKI NAČELNIK	Strana
				Pravilnik o unutrašnjoj organizaciji i sistematizaciji službi za upravu i stručnih službi Općine Kalesija.....	628
78	Odluka o sigurnosti i organizaciji saobraćaja na području općine Kalesija.....	612	89	Zaključak – Usvaja se Izvještaj o dugu Općine Kalesija za period 01.01.-31.03.2026. godine.....	629
79	Odluka o raspodjeli sredstava za podsticaj u poljoprivrednoj proizvodnji za 2026. godinu.....	619	90	Odluka o privremenom produženju radnog vremena ugostiteljskih objekata na području općine Kalesija.....	629
80	Odluka o utvrđivanju javnog interesa za izgradnju kružnog toka na spoju lokalne ceste Tojšići-Hidani i regionalne ceste Tojšići-Kikači-Požanica sa M4 dionica Simin Han-Međaš-linija entiteta.....	622			
81	Odluka o davanju prethodne saglasnosti za imenovanje direktora JP „Vodovod i kanalizacija Kalesija“ d.o.o. Kalesija.....	623	91	Pravilnik o kriterijima, uslovima i načinu finansiranja edukacije iz zdravstvenog menadžmenta.....	630
82	Odluka o davanju prethodne saglasnosti za imenovanje direktora JP „Veterinarska stanica“ d.o.o. Kalesija.....	623	92	Pravilnik o utvrđivanju uslova, kriterija i postupka za ostvarivanje prava na dodjelu platenika, sistema za navodnjavanje, sjemenskog/sadnog materijala, kristalona i popratne opreme u Projektu „Ekonomsko osnaživanje socijalno i materijalno ugroženih osoba i mladih osoba kroz plateničku proizvodnju povrća u plastenicima“ u 2026. godini na području općine Kalesija.....	631
83	Odluka o utvrđivanju prijedloga kandidata za imenovanje predsjednika Nadzornog odbora Javnog preduzeća „Veterinarska stanica“ d.o.o. Kalesija čiji je osnivač općina Kalesija.....	624	93	Odluka o proglašenju Dana žalosti na području općine Kalesija.....	634
84	Odluka o izmjenama Odluke o izboru članova vijeća Mjesnih zajednica na području općine Kalesija.....	624			
85	Odluka o davanju saglasnosti na Odluku o zaključenju ugovora o prodaji neizgrađenog građevinskog zemljišta putem javnog nadmetanja-licitaciji sa „Helena Chair“ d.o.o. Kalesija.....	625			
	Odluka o zaključenju ugovora o prodaji neizgrađenog građevinskog zemljišta putem javnog nadmetanja-licitacije.....	625			
86	Odluka o davanju saglasnosti na Odluku o zaključenju ugovora o prodaji neizgrađenog građevinskog zemljišta putem javnog nadmetanja-licitaciji sa „Ibra d.o.o. Tuzla“.....	626			
	Odluka o zaključenju ugovora o prodaji neizgrađenog građevinskog zemljišta putem javnog nadmetanja.....	626			
87	Odluka o davanju saglasnosti na Odluku o zaključenju ugovora o prodaji neizgrađenog građevinskog zemljišta putem javnog nadmetanja-licitaciji sa Hajrudin Bečirbašić.....	627			
	Odluka o zaključenju ugovora o prodaji neizgrađenog građevinskog zemljišta putem javnog nadmetanje licitacije.....	627			
88	Odluka o davanju saglasnosti na Pravilnik o izmjenama Pravilnika o unutrašnjoj organizaciji i sistematizaciji službi za upravu i stručnih službi Općine Kalesija.....	628			